

經

中陰經

全本  
上經

景

中陰經二卷

古密善更業報經 上下二卷

蓮華面經

一卷

圓玄佛分齋經

一卷

三品弟子經

一卷

法滅畫經

一卷

四輩經

一卷

慧深大迦向仲經

一卷

當未變經

一卷

天王太子辟罪經

一卷



C40  
4514  
69

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

C40-4514

了翁上座請大藏及有  
家書置之六州紫雲山  
我微安塔院直府中永  
為學者不敢許出院內  
當山二世鐵牛機譯



B 64853

中陰經卷上

姚秦涼州沙門竺佛念譯

如來五弘誓入中陰教化品第一

如是我聞一時佛在迦毗羅婆兜雙樹北四十九步  
耶維處八日夜半明星出時爾時如來忽然離碎身  
舍利如諸佛五弘誓法當生之時天地六反震動十  
方諸佛皆來扶助是謂一弘誓法云何爲六反震動  
東涌西沒西涌東沒北涌南沒南涌北沒四面都涌  
則中央沒中央涌則四面沒當其如來初舉一足行  
七步天下大動十方諸佛皆來扶助是謂二弘誓法

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

如來往詣菩提樹下結跏趺坐吾不成佛不起于坐爾時天地大動十方諸佛皆來扶助是謂三弘誓法召魔波旬心不怯弱天地大動十方諸佛皆來扶助是謂四弘誓法如來捨身壽命現取滅度入於中陰教化衆生爾時天地大動十方諸佛皆來勸請是謂五弘誓法爾時世尊入火燄三昧離碎身舍利去地七仞坐寶蓮華使無量無限那由他衆生天龍鬼神阿脩羅甄陀羅乾闥婆迦畱羅鳩槃茶富單那人非人皆見如來坐寶蓮華爾時世尊向舍利而說頌曰  
於無數劫中 養汝地種界 吾今離汝去

如蛇蛻皮樂 五道生死中 無處不有汝  
權時得相離 寂滅無所著 威神接地種  
非汝不得度 咎嗟別離苦 生死牽連著  
諸佛威神接 所度阿僧祇

爾時世尊說此頌已從腳心上至肉髻放八萬四千億光普照三千大千世界上至虛空界其中衆生皆見光明或有尋光來者或有諸佛遣諸菩薩來至忍界者爾時世尊內自思惟此中陰形極爲微細唯佛世尊獨能覩見然此衆生有學無學一住二住乃至九住非彼境界所能覩見吾今以佛威神入照明三

789 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 31

昧令四部衆比丘比丘尼優婆塞優婆夷覩此微形爾時世尊次入無礙定觀此空界衆生生者滅者如諸如來所行禁戒虛無寂寞觀不淨想百七十行苦本因緣乃至生死十二縛著爾時世尊復說頌曰

今當入微妙 極細中陰形 化彼衆生類  
倍於闇浮提 常相無所著 樂相空無定  
建立道德根 捨壽無所染 本從阿僧祇  
濟彼難度人 況此微妙形 無過此最難  
吾今弘誓心 無雜無所染 阐揚道德根

梵行究竟法

爾時世尊說此頌已復放眉間白毫相光普照東方無量無限那由他世界南方西方北方亦爾爾時世尊還攝光明繞佛七匝從頂上入爾時彌勒菩薩即從座起偏露右肩右膝著地合掌叉手前白佛言快哉世尊昔所未聞昔所未見中陰衆生形質極細壽命長短飲食好醜爲何等類願樂欲聞世尊告曰諦聽諦聽善思念之吾當與汝一一分別云何彌勒闇浮提兒生墮地乃至三歲母之懷抱爲飲幾乳彌勒答曰飲乳一百八十斛除母腹中所食血分東弗子逮兒生墮地乃至三歲飲乳一千八百斛西瞿耶尼

789 10 11 12 13 14 15 16 17 18 19 20 1 2 3 4 5 6 7 8 9 30

兒生墮地乃至三歲飲乳八百八十斛北鬱單越兒  
生墮地坐著陌頭行人授指味指七日成人彼土無  
乳中陰衆生飲吸於風闇浮提衆生壽命百歲東弗  
于逮壽命五百歲西拘耶尼壽命二百五十歲北鬱  
單越壽命千歲中陰衆生壽命七日闇浮提人面上  
廣下狹弗于逮人面上正圓拘耶尼人面上狹下廣鬱  
單越人面上正方中陰衆生面狀如化自在天自此以  
還釋迦牟尼名號已滅妙覺如來出現於世如來應  
供正遍知明行足善逝世間解無上士調御丈夫天  
人師佛世尊在虛空中坐寶蓮華放舌相光明照東

方八十七億恒河沙數彼國名化佛名堅固十號具  
足一乘教化見此光明告諸菩薩諸族姓子等汝見  
此光明不平對曰唯然已見世尊不審此光何佛光  
明照此世界彼佛告曰西方去此八十七億恒河沙  
數世界名娑訶佛號釋迦牟尼今取滅度捨身舍利  
欲入中陰教化衆生是妙覺如來光明汝等欲徃今  
正是時爾時彼土菩薩百三十億受佛教戒來至忍  
界佛告之曰汝到彼土禮事供養勿懷懈慢持吾名  
號問訊妙覺如來興居輕利遊步強耶菩薩受教禮  
彼佛足右遶七匝忽然不現來至娑訶世界南方去

789 10 11 12 13 14 15 16 17 18 19 20 1 2 3 4 5 6 7 8 9 30

此八十七億恒河沙數世界名解脫佛號真淨如來十號具足告諸菩薩汝等見此光明不乎對曰唯然見之不審此光是何佛光照此世界彼佛告曰北方去此八十七億恒河沙數世界名娑訶佛號釋迦牟尼今取滅度捨身舍利欲入中陰教化是妙覺如來光明汝等欲往今正是時爾時彼土菩薩百三十億受佛教戒來至忍界佛告之曰汝到彼土禮事供養勿懷懈慢持吾名號問訊妙覺如來興居輕利遊步強耶菩薩受教禮彼佛足右遶七帀忽然不現來至娑訶世界北方去此八十七億恒河沙數世界名瑠璃

佛號雷音如來十號具足告諸菩薩汝等見此光明不乎對曰唯然已見不審此光是何佛光明照此世界彼佛告曰南方去此八十七億恒河沙數世界名娑訶佛號釋迦牟尼今取滅度捨身舍利欲入中陰教化是妙覺如來光明汝等欲往今正是時爾時彼土菩薩百三十億受佛教戒來至忍界佛告之曰汝到彼土禮事供養勿懷懈慢持吾名號問訊妙覺如來興居輕利遊步強耶菩薩受教禮彼佛足右遶七帀忽然不現來至娑訶世界東北方去此八十七億恒河沙數世界名空淨佛號虛空藏十號具足菩

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

薩百三十億東南方去此八十七億恒河沙數世界  
 名熾然佛號廣顯如來十號具足菩薩百三十億西  
 南方去此八十七億恒河沙數世界名星宿佛號月  
 光如來十號具足菩薩百三十億西北方去此八十  
 七億恒河沙數世界名壞魔佛號勇猛伏如來十號  
 具足菩薩百三十億上方去此八十七億恒河沙數  
 世界名海跡佛號上妙如來十號具足菩薩百三十  
 億下方去此八十七億恒河沙數世界名通達佛號  
 無畏如來應供正遍知明行足善逝世間解無上士  
 調御丈夫天人師佛世尊告諸菩薩汝等見此光明

不乎對曰唯然已見不審此光明是何佛光明照此  
 世界彼佛告曰上方八十七億恒河沙數世界名娑  
 訶佛號釋迦牟尼今取滅度捨身舍利欲入中陰教  
 化是妙覺如來光明卿等欲往今正是時彼佛土菩  
 薩百三十億受佛教戒來至忍界佛告之曰汝到彼  
 土禮事供養勿懷懈慢持吾名號問訊妙覺如來興  
 居輕利遊步強耶菩薩受教禮彼佛足右遶七匝忽  
 然不現來至娑訶世界禮事供養妙覺如來頭面禮  
 足各一面坐爾時妙覺如來出廣長舌左右過耳如  
 優鉢赤蓮華色吾從無數阿僧祇劫行至清淨無有

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

虛妄吾所度衆生因緣已畢如棄屍骸在曠野中今復造緣更始立行今此菩薩有立根得力或有初發意者復有四衆來踐跡者當以佛力威神接引令彼大衆知過去當來今現在佛不可思議難有之法爾時世尊卽今頌曰

世多愚惑人 不入無漏檢 還在五道中  
染汙不淨行 我離於忍界 拔濟五欲苦  
善哉昔所願 今日已成辦 如人唾於地  
智者誰能飲 吾從無數劫 修佛清淨行  
捨身復受身 非一劫二劫 若有明智者

把土盡舍利 况復覩我形 有不解脫者  
生死晝夜長 愚在五道長 斷滅無道長  
求佛泥洹長 本號釋迦文 留身舍利化  
今當入空界 中陰度萌類

爾時世尊說是頌時八萬四千那由他衆生狀患生死皆發無上正真道意復有七十億衆生諸塵垢盡得法眼淨魔界菩薩七千萬衆卽從坐起收攝衣服摩訶而去

妙覺如來將諸菩薩入中陰教化品第二  
爾時妙覺如來至真等正覺察衆坐定純一無雜應

789 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

入中陰受禁戒法多所饒益所度無量建立弘誓施行佛事爾時妙覺如來入無見頂三昧使諸大衆無數億千那由他恒河沙數諸菩薩衆皆同一色如妙覺如來無有差別爾時闍浮提大迦葉諸比丘比丘尼優婆塞優婆夷天龍鬼神迦留羅甄陀羅摩訥羅乾闥婆鳩槃茶富單那人非人八國王八億百千衆生以神足力將入中陰爾時世尊於其中間而說頌曰

中陰迷惑等 迷荒無三尊 轉身向五道  
隨行所牽徃 或墮二善道 或入三惡趣

善哉可愍傷 今日如來至 此類既得度  
我願亦成辦 無形受形教 斷想斷滅本  
三世諸佛等 無不行此法 色法自熾然  
滅以定意道 如來真實相 無生無起滅  
觀身內外空 解知非常法 行由癡愛本  
如灰覆火上 愚者謂爲滅 火本猶常存  
心爲人毒本 善惡隨其形 行善即趣善  
行惡即趣惡 如人作惡行 自謂後無報  
臨其報至時 非親所能代 犯戒無法行  
自稱世無雙 裸形食果蓏 奉事日月神

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

中陰經

八

卷六

自墮三惡趣 不慮劫數期 此等非佛子

雖近離我遠

爾時妙覺如來說此頌已卽以神力入中陰中化作七寶講堂七寶高座懸繪旛蓋金銀梯陛瑠璃爲地後園浴池皆七寶成鳧鴈鴛鴦異類奇鳥悲鳴相和爾時世尊復以神力使彼衆生應七日終者六日五日四日三日二日一日終者盡令住壽爾時世尊觀彼衆生心所趣向欲得分別各在一面四向四得各在一面初發意九住各在一面向辟支佛得辟支佛各在一面爾時世尊化作七百億那由他七寶高座

一一高座盡有化佛一一化佛盡說四非常偈

一切行無常

識爲外塵垢

起者必有盡

彼滅最爲樂

不生老病死

亦不處三有

永處虛空界

諸佛之堂室

無畏無點汙

不爲欲愛染

香熏及五樂

永盡無有餘

若斷百八愛

集法亦復然

前滅後不生

及生道果證

佛法總要定

三十七道品

無願無相空

諸佛之徑路

利根衆生等

一聞不再受

斷以智慧劍

如火焚山野

難覺衆生類

億佛在前立

罪根深堅固

789 10 11 12 13 14 15 16 17 18 19 20 1 2 3 4 5 6 7 8 9 30

雖愍而難濟 中陰受身等 將導隨言教  
雖非本發心 聞法則得度

爾時化佛說此頌時七十八億百千那由他中陰衆  
生起無上正真道意發菩提心爾時妙覺如來最在  
中央昇無畏坐十方諸神通菩薩在左面坐闍浮提  
摩訶迦葉并四部衆比丘比丘尼優婆塞優婆夷在  
右面坐諸天龍鬼神及大國王在佛後坐從四天王  
忉利天王燄天兜率天盧天波利陁天盧波魔那天  
阿會巨修天首訶天波利陁首訶天須滯天須滯祇  
耨天乃至阿迦膩吒天在虛空中散華供養作天妓

樂中陰衆生在如來前聽受法教爾時世尊以佛威  
神令衆生等心自念言唯佛爲我說法不說餘者爾  
時世尊而說頌曰

如來無量覺 神變不可量 出入山石壁  
如鳥遊虛空 本我阿僧祇 積行累功德  
度彼不自爲 使發菩提心 泥洹無去來  
亦不見受者 本我雙樹間 轉身來適此  
我初發道心 誓度衆生類 一人不度者  
吾要終不捨 觀此中陰人 各有上中下  
但以三句義 四諦真妙門 媚怒癡雖薄

7891011121314151617181920112131415161718193011213141516171819

要須禪定除 八百瘡疣病 八百四千垢  
施惠持戒忍 精進禪智慧 善權巧方便  
拔斷三毒根 色本非我有 誰造此色本  
了知色無形 可謂梵志行 吾本未成佛  
爲色之所惑 隘四顛倒法 没陷生死海  
今方究色本 觀色非真實 受想行識法  
穢汙非真道 陰入十八界 二十二根法  
一一悉分別 寂然無所著 欲界中陰人  
塵垢悉微薄 猶如新成衣 塵土所汙染  
有目智慧人 抖擣塵悉去 中陰衆生類

譬之亦如是 媚怒癡微薄 聞法卽得悟  
一向心不移 卽得須陁洹 三轉十二法  
復得斯陁舍 坐上下分滅 卽得不還道  
苦盡癡愛滅 得成阿羅漢 道跡八十億  
頻來得道人 八萬四千億 不還得道人  
百萬二千億 羅漢二恒沙 六通身清徹  
各趣向佛者 八萬四千億 趣向菩提心  
其數如微塵 吾本闇浮提 苦行不可數  
國財妻子施 頭目血髓骨 意堅如金剛  
不爲魔所動 快哉大福報 何願而不成

7891011234567892012345678930123456

爾時坐上衆生作是念言佛獨爲我說法不爲餘者趣聲聞道者得聲聞道者趣辟支佛道者得辟支佛道者趣菩提道者得菩提道者妙覺如來入中陰分身品第三

爾時座上有菩薩名定化王卽從座起偏露右肩右膝著地長跪又手前白佛言善哉世尊快說斯義曉了衆生音響所趣聞法易度復有難度者觀見衆生有姪怒癡薄者無姪怒癡薄者或在有對法者或在無對法者或在可見法者或在不可見法者或在有漏法者或在無漏法者或在有爲法者或在無爲法者或在可記法者或在不可記法者或在欲界法者或在不可解法者或在色界法者或在無色界法者或在中陰微形法者或在中陰非微形法者或在五色識法者或在五色非識法者或在非想非不想識法者或不在非想非不想識法者或在一住至九住者有一住非一住者有在九住非九住者唯願世尊一一敷演令諸菩薩永無猶豫衆生之類聞法解脫爾時世尊以梵清淨柔軟之音讚定化王菩薩曰善哉善哉族姓子乃能於如來前作師子吼今當與汝一一分別諦聽諦聽善思念之汝所問者可見法

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

不可見法者爲眼見色爲色入眼定化王菩薩言亦不眼見色亦不離眼亦不色入眼亦不離色佛告定化王菩薩族姓子眼非色色非眼何者是觀定化王菩薩白佛言識法實住觀法乃起佛告定化王菩薩云何族姓子識爲有法識爲無法定化王菩薩白佛言識非有爲不離有爲識非無爲不離無爲佛告定化王菩薩何謂有爲何謂無爲定化王菩薩白佛言起者有爲住者無爲於第一義法不見有起不見有住法性清淨無色無識於泥洹法無所染著眼非色非眼無可見法無不可見法過去眼過去色過去

識未來眼未來色未來識現在眼現在色現在識非有眼色識非無眼色識是謂泥洹清淨法爾時定化王菩薩今欲問如來說有對無對法佛告定化王菩薩曰族姓子聲爲有對耶無對耶定化王菩薩白佛言聲亦有對亦無對佛告定化王菩薩聲亦不有對亦不無對云何族姓子此聲彼應爲有爲無爲虛爲實云何族姓子虛空可畫得成字不對曰唯然世尊不可得也何以故如來習行於阿僧祇劫亦不見有亦不見無亦不見有三世亦不見無三世乃至非想非不想亦復如是爾時定化王菩薩白佛言上諸法

7 8 9 10

經

中華書局影印

三

卷六

觀一一悉知唯願如來至真應供正遍知明行足善  
逝世間解無上士調御丈夫天人師佛世尊說三微  
妙法何者最妙中陰形耶五色識形耶非想非不想  
識耶爾時世尊知衆會心皆有疑卽於座上而說頌  
曰

吾受三界苦 愚惑癡愛心 經歷阿僧祇  
在有亦在無 破壞生死劫 今乃得成佛  
以本弘誓願 度於不度者 佛力無等倫  
三界無比尊 一向無二心 自誓得成佛  
吾從正炷佛 初發無等心 欲縛所纏裏

堅固難可拔 空定無相願 分別三三昧  
先念出入息 分別善惡道 執心擎油鉢  
行步不失儀 猶人見劫燒 焚燒重罪者  
福昇光音天 輕者於他方 三品衆生類  
中陰受形者 受化不思議 非我誰能說  
五色識衆生 不同於三界 如來最勝尊  
入彼識教化 一一分別說 不遭百八愛  
應成須陁洹 爲說須陁洹 應成斯陁含  
爲說斯陁含 應成阿那含 爲說阿那含  
應成阿羅漢 爲說阿羅漢 應成辟支佛

789101123456789202123456789303123456

經

中華經

十四

景六

爲說辟支佛

應菩薩道者

爲說菩薩法

得須陀洹者

三十二億人

得斯陀含者

四十二億人

得阿那含者

五十二億人

得阿羅漢者

六十二億人

得辟支佛者

七十二億人

得菩薩道者

八十二億人

爾時世尊重說頌曰

本我無心法

現以教化衆

見煙知有火

見雲知有雨

行步知君子

見星知有月

吾我心盡斷

不有我無我

經歷劫數期

非月非日數

佛以思惟得

非凡夫所及

善哉大聖尊

普照諸十方

去離欲界法

處中陰教化

此諸佛教法

處陰不見陰

此等衆生類

發願各各異

吾我自縛著

我本彼亦爾

佛以思惟本

思惟本末觀

一意一念頃

斷垢不自爲

垢本勝於我

墜我於三趣

令我勝於垢

滅汝入涅槃

善哉大聖尊

獨步無二跡

見我一跡者

聞浮人得度

身行有三事

口行有四事

意行有三事

塵垢生死海

九衆生居處

識之所經歷

分別我無我

無我亦無我

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

中華經典

卷五

景六

諸佛世尊等 心普無有邊 一意念衆生  
所受不可限 身淨不行惡 口言常清淨  
心淨如佛心 是諸佛之法 身爲苦器法  
此非三世有 非我誰能知 誰知免此苦  
如來之功德 諸相踵脣等 師子胸臆相  
一一毛孔光 掌相干輻理 示以善惡道  
舌齒聲光淨 濟度阿僧祇 眼耳鼻及髮  
肉髻頂無見 虛空猶可窮 佛相不可量  
爾時世尊說此頌已八十億中陰衆生於無餘泥洹  
界發金剛心一一成佛與妙覺如來皆同一號佛告

定化王菩薩所問有漏無漏有對無對可見不可見  
當來過去現在法當與汝說定化王菩薩白佛言世  
尊願樂欲聞佛告定化王菩薩諦聽諦聽善思念之  
吾當與汝一一分別云何定化王何者是緣盡何者  
非緣盡六入塵垢重染我癡愛法觀內外出入息法  
八萬四千度無極生生不可滅念念成其形有漏八  
萬四千無漏三十七有爲無爲法此非泥洹道身淨  
不犯惡口言無有失心淨與定合四等遍一切是謂  
菩薩行

賢護菩薩問事品第四

7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經

卷

三

爾時賢護菩薩卽從座起偏袒右臂右膝著地長跪  
又手前白佛言善哉世尊欲色無色三分衆生其識  
難量何者有漏量何者無漏量何者有爲量何者無  
爲量何者有色無色量何者有欲無欲量何者有記  
無記量爾時世尊聞賢護菩薩所問事卽說頌曰

處在胞胎中

受形多種類

前滅後已生

其如恒沙數

三分識衆生

塵垢非一等

或聞聲而度

或見形得道

今我妙覺佛

降神入中陰

一一分別了

有漏無漏法

得道成果證

五色識易度

斯等一部界

不在有無漏

衆生在中陰

如我身無異

苦痛五陰形

如轉輪無盡

吾我本無字

聲響亦無名

觀身三十六

欲界有量法

三分留二分

此中陰衆生

五色識衆生

不染三界苦

無明癡愛惑

隱相非不相

有漏苦諦本

斷結不及色

集諦二十八

寂然塵垢除

三十七道品

道諦爲實果

賢護汝今知

有漏無漏法

記法無記法

今當與汝說

有記善惡行

無記癡盲法

墜墮於生死

非我無能濟

7890101234567890201234567890301234567890401234567890501234567890601234567890701234567890801234567890901234567890

當佛世尊說此語時九十一億衆生皆發無上道意  
四十七億那由他衆生盡得阿羅漢果

### 道樹品第五

爾時座上有菩薩名曰樹王卽從座起偏露右臂右膝著地長跪叉手前白佛言善哉世尊如來所說甚奇甚特未知如來欲說有漏耶無漏耶唯願世尊句句說之何者有漏何者無漏佛告之曰有生有滅是謂有漏無生無滅是謂無漏有我有身是謂有漏無我無身是謂無漏眼是色對是謂有漏無眼無色是謂無漏有識有想有形是謂有漏無識無想無形是

謂無漏三識處所住有身者是謂有漏一識一處有一形者是謂無漏有形非想非非想是量法有用不用處三禪地厭患生死故名不用有願不願始發初禪快哉斯樂心不傾動念淨喜安自守五行成就有想有識斯出入息法喜行百八愛一念一億行中間想想不可盡況彼現在身無彼無我想吾從無數劫捨此就此三識所經處非有亦無我甚哉三界苦受身生死難譬如今幻法以拳誑小兒識神無形法起滅無常定我則無我身況有識形法想亦無想法亦不見有識四陰竟何在由識而分別苦陰有五行非

789101112131415161718192012345678930123456789

我非汝有吾從無數劫經歷三識處除天鬼神龍何處無妙覺我行衆善法誓度阿僧祇隨形而教化受化不可量如來清淨行廣普無邊崖神通內外照觀察於三世有形無形類思惟十想結無復塵垢患虛空無邊際不見有往來心無中間念忍辱功德成積一成佛道寂滅泥洹樂起亦不見起生亦不見生況有起滅者諸天世人民能斷至彼岸縛著染三界經歷生死海貪欲自纏裹爲色之所惑永處三有中佛力無所畏威神接得度爲彼不自爲功德不可量恒以四意止五根及五力七覺意寶華三十七助道法浮行正法爾時世尊卽說頌曰

空無相願及諸三昧門善權化生死六度至彼岸不以劫數期周旋虛空界度脫未脫者得道如微塵無我無彼想一音演微法受化無邊崖道心觀察法不見起滅者分別内外身繫於安般息息長亦知長息短亦知短亂想亦知亂定想亦知定一向無亂想清淨行正法爾時世尊卽說頌曰

佛力之所行 普潤天世人 學無學衆生  
下及凡夫人 心念斷衆想 皆到無畏處

分別空無相 清淨修道場 莊嚴佛道樹  
皆令同一色 轉無上法輪 阡揚法鼓音

789 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

非魔魔部衆 之所能轉者 甘露法藏開  
 普潤一切衆 濟渡阿僧祇 無量無等類  
 最勝所接度 無能量度者 善哉不思議  
 不度不可量 我本所造行 唯佛能稱量  
 不見吾我法 法利利益人 功勲過三界  
 得入泥洹界 清淨無塵穢 如月星中明  
 爾時世尊說此頌時八十四億那由他百千億中陰  
 衆生諸塵垢盡得法眼淨復有十千億五色識衆生  
 發心向菩提不退轉道

### 中陰經卷上

#### 音釋

蛻	<small>輸芮切蛇解皮也</small>	喙	<small>色角切吮也</small>	裸	<small>郎果切赤體也</small>	果蓏	<small>蓏郎果切在木曰果</small>
在地		跼	<small>古盍切</small>	膩	<small>女利切</small>	疣	<small>羽求切</small>
陞	<small>部禮切升堂之階也</small>	盞	<small>古盍切</small>	利		瘤	<small>羽求切</small>
抖	<small>當口切撒蘇后振貌</small>	輶	<small>與充切</small>	疣	<small>羽求切</small>	腫	<small>踵之隴切足跟</small>
抖	<small>撒蘇后振貌</small>	脰	<small>與充切</small>	脰	<small>脰脰切</small>	脰	<small>脰脰切</small>
脰	<small>於力切</small>						
脰	<small>脰肉也</small>						

武林	<small>佛弟子性慧</small>	廣	<small>日</small>	大圓	
海悟	<small>照安</small>	普定	<small>等施賈</small>		
中陰經卷上		刻此			
銀三兩四錢六分一厘	<small>計字六千九百二十二箇</small>				
天啓丁卯仲冬月徑山化城寺識	<small>比丘解藏對</small>				

7 8 9 10 11 12 13 14 15 16 17 18 19 20 21 22 23 24 25 26 27 28 29 30

中陰經卷下

姚秦涼州沙門竺佛念譯

神足品第六

爾時妙覺如來卽以神足化此三千大千刹土上至非想非非想天下至無救地獄皆紫金色皆如妙覺如來而無有異三十二相八十種好圓光七尺皆坐寶蓮華高座上坐演出梵音聲聞三千大千刹土一諸佛說八萬四千雜行其觀光明者姪怒癡病皆自消滅異口同音而說頌曰

經法本無體 滅已今復興 斷除有漏法

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

獨步於三界 生死無數劫 遭遇良福田

金色普遍照 蒙光得解脫 神力不可盡

一音觀了本無形 大慈大悲心 拔濟無明等

實載五陰苦本源 流浪得濟渡 四駛生死河

來法船度彼岸 善權無礙道 入彼無爲境

吾昔發誓願 要度未度者 修身清淨行

口言無虛妄 心念濟八難 諸惡何由生

爾時有菩薩卽從座起偏露右臂右膝著地長跪合

掌叉手前白佛言快哉世尊神足無量不可思議今

欲所問若見聽者乃敢陳啓妙覺如來告彼菩薩善

哉善哉族姓子恣汝所問吾當一一分別說之時彼  
菩薩白佛言世尊如來神足不可究竟今此三千大  
千世界燭然金色是何三昧有此神變佛告菩薩此  
神變者是三昧王三昧唯有諸佛乃能變現非聲聞  
辟支佛所能修行此三昧王三昧將從八萬四千或  
有三昧名虛空藏或有三昧名昇法堂或有三昧名  
月光清淨或有三昧名破有入無或有三昧名一意  
不亂或有三昧名滅過去當來今現在病或有三昧名  
本或有三昧名除去塵霧或有三昧名拔三毒根  
開甘露法門爾時世尊欲解斯義重說頌曰

789101112131415161718192012345678930123456789

經

中華經卷下

三

四

道力清淨行 身口意不犯 誓願阿僧祇

沒溺生死者 金剛難敗壞

非二乘所及

觀身苦根本

思惟四果證

積行不退轉

閑靜坐道場 一劫入定意

二三至七劫

地燒過劫燒

其心亦不動

壞破魔部界

悉成無上道

三昧定意力

福報不可量

令三聚衆生

得成無上道

觀察衆生心

難度易度者

不令在沒溺

流滯生死海

我本無此色

紫磨金光體

歷劫勤苦行

修定成此形

爾時妙覺如來說此頌時諸佛世尊同時舉手讚妙  
覺如來以偈頌曰

丈夫二足尊

世雄不可量

拔離三界苦

淡然爲一色

今聞如來說

定意神足道

其聞法性相

相相不可量

八種清淨音

十六特勝法

三十二行業

利益一切人

天人尊無比

光明照衆生

久在饑渴道

飲以八解脫

無欲清淨池

化以七覺華

不著五陰本

猶如青蓮華

香熏遠普聞

如來五分身

無處不流布

吾昔求佛道

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

誓願同一時 今日得果證 不違昔所願

一相無相道 分別微妙慧 晓了善權道  
當時世尊說此頌時有百億希望中陰衆生求佛身  
色紫磨金形如我今日神變無量要當來世皆當成  
佛悉同一號妙覺如來應供正遍知明行足善逝世  
間解無上士調御丈夫天人師佛世尊

破愛網品第七

爾時妙覺如來將欲破愛結使欲使四衆自見證驗  
卽入不動三昧欲令彼衆知欲愛色愛無色愛爾時  
世尊重自思惟此欲界衆生亦愛非愛亦有漏無漏  
亦有爲無爲亦可記不可記色界衆生非有非無非  
想非不想識可見法三界欲最重染著不可離中陰  
衆生等要須聖教五識衆生有前有後非想非非想  
識衆生有取涅槃無取涅槃者云何中陰衆生遇聖  
得證彼有一病計無我命恒計無常前生非後生後  
生非前生此聖人語非本發心意要須聖人如聲聞  
法五色識者根本未成見佛識佛一一所著多受福  
地墮者非一不計吾我身是法非法行三界爲網所  
覆欲出難得脫猶如擲綻丸緒在猶復還三界衆生  
等捨此復還此爾時世尊卽說頌曰

7891011121314151617181920112131415161718193011213141516171819

三界爲火宅 火燄極熾盛 愛心所染著

將入三惡道 前生非後生 愛有輕重法

五色識法者 今世後易度 生死入難道

與泥洹對門 無彼無此法 最勝無等侶

神足接衆生 見者無不度 當來過去人

乾闥阿須倫 天龍鬼神等 無不得濟度

善哉三界尊 善說微妙法 令受苦衆生

得至無爲岸 去身口意病 寂然無移動

如饑者得食 如渴者得飲 正觀除愛結

三脫甘露門 我發無上道 除愛無渴想

於火燄拔濟 得成於世雄 過去無數佛

當來現在等 如我今日化 不計彼我想

正法除邪法 塵垢永已除 無礙總持法

思惟分別觀 於億百千劫 遊戲諸三昧

四空定意法 往來不疲極 諸佛所遊處

多益無減損 舉足下足頃 所度不可量

當我下足處 有識衆生等 隨類而得度

遍滿三界中 隨心得三道 如是無窮已

八解無閼法 離捨壽命根 不計三界想

害彼五逆結 汝生知汝生 汝滅知汝滅

7891011234567892012345678930123456

汝上知汝上 汝下知汝下 中間無脫處

過者何處去 當知佛力大 遍入總行法

由本誓願故 未度者令度 四等慈悲捨

遍滿諸十方 佛指出甘露 如慈母愛子

又母非父慈 又父非母慈 三界四顛倒

難化如金剛 如物初入爐 魘惡先燃滅

真者不移動 如汙金蓮華 佛道實真正

無畏無所著 不有想念累 心亦無往來

爾時座上有一菩薩名曰燄光卽從座起偏露右臂  
右膝著地長跪合掌叉手前白佛言如今世尊說真

實之法或言有法或言無法或言有爲或言無爲或  
言有記或言無記今衆生受化者以何法化而得濟  
度爾時世尊以頌報曰

諸法正有一 無二亦無三 愛識非愛識

永離於胞胎 破一縛著愛 使衆生愛盡

如來神德力 自識宿命本 或在天王宮

轉輪王治處 或在貧賤處 下至無救獄

一一分別了 衆生垢著心

爾時世尊說此頌時六十八億那由他中陰衆生卽  
從座起偏露右臂右膝著地長跪合掌叉手前白佛

78910111213141516171819201121314151617181930

經

阿彌陀經疏

六

七

言咄嗟此苦乃是大苦於衆苦中此愛最苦唯願世尊聽爲出家爾時世尊嘿然聽之爾時中陰衆生聞佛說法卽得阿羅漢果

三世平等品第八

爾時座上有菩薩名不厭患劫卽從座起偏露右臂右膝著地合掌又手前白佛言善哉最勝如來神力極微妙不可思議如來神德出廣長舌不犯衆生過今此三聚衆生過去當來現在爲過去耶未來耶現在耶爾時世尊告不厭患劫菩薩曰善哉善哉汝之所問於三聚衆生多所饒益多所潤及斷無明本身

業得清淨非一佛所說爾時世尊卽說頌曰

人本在胎時

自識本宿命

捨彼今就此

三世炳然定

前識非今識

前身非今身

但爲愚惑迷

不知趣道門

念此在四使

發起若干想

咄嗟老病死

墜墮在三世

爾時世尊欲解斯義卽說頌曰

本我無此色

受想識亦然

我虛彼亦無

豈有識想受

無色名色法

衆生亂想法

九品有差別

分別三世道

上中最妙道

非去非未來

上中最微細

上下無覺觀

789101112131415161718192012345678930123456789

中上斷三結 中中滅三垢 中下霍然悟

此名爲佛子 下上雖爲重 如彼水上泡

一生而一滅 下中衆生類 苦本最爲染

非我誰能知 下下衆生類 經歷於劫數

吾亦就彼化 不見漏失者 人心有若干

座上心不悟 或願當來佛 或願現在者

此等衆生類 難可濟度者 人本無形生

還入虛空中 生死相牽連 何者名泥洹

若言有衆生 身口意行淨 寂然入滅度

無有老病患 弘誓發一心 亦不自爲已

虛空不可獲 何者名虛實 如來梵天音

分別實相法 解了空無慧 三界獨步尊

有覺空意法 觀身不戀著 無覺在三禪

進取不退道 自我成佛來 以此爲本業

成佛亦由此 泥洹亦復然 所以積功勤

未獲於實相 聞四不離四 此是諸佛印

爾時世尊說此頌已無量無限那由衆生及中陰五

色識非想非非想衆生欲得去離不樂三世爾時世

尊重說頌曰

過去非今有 現在亦復然 當來彌勒身

7 8 9 10 11 12 13 14 15 16 17 18 19 20 1 2 3 4 5 6 7 8 9 30

經

正法經卷

八

精

教化無差別 我今說少少 如人爪上塵

欲說世界塵 誰能窪盡者 今雖處中陰

移生無想天 地獄對門人

聞法乃得悟

爾時世尊卽以神力接中陰衆生至非想非非想識  
天爾時世尊復以神力到彼至非想非非想識界施  
設莊嚴七寶高座皆有化佛一一化佛皆有四衆一  
衆者威儀法則悉皆成就此衆生中或有誦經說  
義賢聖嘿然或有入定出定爾時妙覺如來復以神  
足十力接彼非想非非想識衆生如中陰形無有差  
別爾時世尊如諸佛常法威儀法則令無量化佛合

爲一佛或以一身變爲無量或在樹下演說法教或  
入初禪定意不亂或在高巖閑靜寂處或坐虛空作  
十八變身下出火身上出水履水若空無有罣礙或  
取滅度亦無滅度或現無常身脣體脹爛臭如白鵠  
色或現手足各在異處爾時非想非非想識衆生見  
此變易心懷恐怖我本生心謂呼定是泥洹無病無  
老無諸痛苦今觀此法有生有老有病死痛今遇如  
來降神在此若不順者無擇地獄卽我舍宅吾本宿  
世同要之人先生彼識阿難陀迦蘭陀見佛禮拜善  
哉世尊中無比之降神此界如遇優曇鉢華若佛不

789101234567892012345678930123456

降此者我等永處邊地殺害無量迦蘭陀身復自宣  
 白今遭大聖如日銷雪若不遭聖彼當墮墜作飛狸  
 身飛走盡害無有脫者以此本誓願得脫苦際虛空  
 無量界神得三界尊辟支聲聞等眼之所能見爾時  
 迦蘭陀作是念我等同生生此識界罪福未分或墮  
 邪見受飛狸身我本造身不獨三界中陰五色及無  
 色形已生此念非想識衆皆生苦心我等諸人雖生  
 此處非得泥洹非安隱處今遇如來說真實法斷拔  
 千萬門不去亦不來貪欲本生我我今還滅汝爲過  
 所覆非今世後世生有老病苦如影重有影如月樹

葉影現於水野干飲之終竟無獲我今三世尊有實  
 無實法化不變易生者非有生善哉世微法難度而  
 度世間愚癡人計我爲身實當其捨壽時鉤鏁骨相  
 連分別彼身中何者命與壽生死纏裹苦捨彼復受  
 此處胎冷熱苦出有生滅憂毋雖樂育我不生誰有  
 患落漠如水泡識神染其形輪轉五趣中所往無脫  
 處生死五道海無住而不經心爲殺身本汝滅我何  
 患虛空無本末誰知常無常彼無想之識見阿難陀  
 迦蘭陀一爲邊地王一爲著翅蟲三界最爲苦本處  
 非泥洹如遊曠野指東謂爲西今遭大聖於一切衆

7891011234567892012345678930123456

苦都得解脫爾時非想非無想識衆生卽於佛前尋聲而說頌曰

吾本事五火 燒炙身體爛 臥在荆棘上  
 身被髑髏衣 騙足向日月 無神不奉事  
 今生非非想 得見如來身 自恥本所行  
 在此無脫處 特知正法化 如來自降神  
 得脫無擇門 永住安隱處 五欲生死垢  
 纏縛四流中 心惑著三有 燒以智慧火  
 四趣五道人 不見生本末 著識吾我者  
 如我今無異

爾時妙覺如來復以頌報曰

卿等本謂真 八萬四千劫 無常生死本  
 彼死還生此 汝等衆生類 未曾老病死  
 守一求泥洹 此非真實法 塬盡識不滅  
 還在三惡中 非我汝不悟 誰能脫此難  
 吾從無量劫 誓度生老死 非我前身造  
 亦非後身受 本得金剛定 今乃教化汝  
 地不可作空 空不可作地 水不可作火  
 火不可作水 一切愚惑人 萬物皆我有  
 愚癡無明法 謂爲正真道 如彼疲倦人

789101234567892012345678930123456

懈息須臾間 雖居八萬四 視之如一日  
 爲五苦衆生 何處不有我 分別身法相  
 分別空無法 生者不見生 死亦不見死  
 問生根本道 由行之所造 三惡之重者  
 癡病是其源 名色六入法 此是世之常  
 觸入更色法 受入更樂樂 一切衆生惑  
 不識十二緣 如蛾投火光 妙覺如來說  
 由汝垢重故 則我心垢重 如我成佛身  
 經歷不度界 破壞心垢相 識別想非想  
 結使之根源 無常謂爲常 説以苦言是樂

計空以爲有 無我以爲我 此想非想類  
 習顛倒來久 如蛾貪火光 不避滅身難  
 迷惑墮六趣 生此非想天 譬如斫伐樹  
 根在由復生 迷惑四顛倒 無明之所裏  
 今開甘露門 聖諦真如有 拔苦之根本  
 永盡無有餘 四使長流海 生生不斷絕  
 我今破三界 將到至彼岸 安隱無畏處  
 爾時世尊說此頌時非想非非想識衆生皆發無上  
 正真道意於無餘泥洹而不般泥洹或有應生天者  
 與說十善法應生人中爲說五戒或趣三惡道者與

7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

說刀山劍樹火車鑪炭如此等類三百三十六億那  
由他狀患劫壽聞清淨法卽成道果爾時世尊復以  
神足十力無畏接彼非想非非想識衆生將至五色  
識界衆生修治道樹莊嚴刹土放大光明一一光明  
皆有化佛一一化佛皆坐七寶高座三十二大人之  
相說六度無極彼五色衆生見如來變化心垢縛著  
坦然除盡不復願樂染著生死爾時世尊以清淨梵  
音而說頌曰

苦本生死怨 滅之以善權 四等大慈心  
超越無量界 今此利根人 一聞不再受

觀佛色形相 普入寂滅處 乃知賢聖道  
無量難思議 滅垢不復生 盡同賢聖道  
當其世尊說此頌時無限無量五色識衆生盡同一  
號於當來世號普廣如來應供正遍知明行足善逝  
世間解無上士調御丈夫天人師佛世尊  
無生滅品第九

爾時妙覺如來將欲移到諸佛刹土告三聚衆生發  
心趣向求泥洹道今我現在與汝說法若有所疑卽  
來問我泥洹有生有滅不耶爾時三聚衆生聞如來  
語前白佛言從欲界上至非想非非想發意趣大乘

789101112131415161718192012345678930123456789

不思議法未曾聞有有爲無爲法何者有餘何者無  
 餘何者是上人法何者非上人法爾時世尊與三聚  
 衆生分別句義字義及無相義如來神力有三十二  
 法何者爲三十二憶本宿命中根本所生知本所從  
 一一所生彼死生此此死生彼以眼識通觀察如掌  
 中觀珠以耳通蠅行蟻步及微細聲皆悉聞之本有  
 三界今無三界汝等受道證發心各各異中聞等變  
 易何者是三界何者非三界爾時世尊說此語時三  
 聚衆生重生狐疑爾時世尊知彼衆生心之所念欲  
 得與說無相法觀以頌說曰

何者名爲頭	何者名爲足	何者名爲華
何者名爲果	人命在於頭	滅如灰土塵
百草樹木根	拔去不復生	觀此衆相法
無頭亦無足	有餘無餘法	等此而可知
若言有泥洹	我身今現在	若言無泥洹
何處有三聚	佛以神力故	令汝知有無
我觀三界苦	前念非後念	
前形非後形	吾從無數劫	
其中起大悲	舉足及中間	
三塗受苦者	當我起大悲	
如慈母乳子	無不飽滿者	

78910111213141516171819202122232425262728292030

經

古

馬

吾本一把施 今得隨所願 七寶衆琦珍  
隨念卽時得 何況四等具 六度濟衆生  
此者誰能別 唯佛佛知之 今當與汝說  
分別有餘無 欲得觀我界 吾以神足徙  
到彼逮作佛 名曰釋迦文 七十二恒沙  
西南土莊嚴 盡以一道化 無辟支聲聞  
其土甚快樂 所念卽在前 不似此土界  
爲姪怒癡縛 一音遍四方 聞者尋得度  
彼土七寶樹 風吹樹葉時 葉葉共相向  
皆說度無極 我彼刹土中 住壽阿僧祇  
現取滅度時 遺法十二劫 欲知劫長短  
賢劫爲一日 計此日月數 以成十二劫  
汝等三聚人 知我功德不 適彼東方土  
八十億由他 其土名不終 佛號名滅界  
我現弟子學 削除披袈裟 長跪受聖法  
彼佛知我心 彼等衆生類 見我著法服  
不樂於世欲 同心樂出家 威儀禮節具  
不失禁戒法 當其屈伸時 見者衣毛豎  
此皆本宿命 同共誓願者 離欲無所著  
無有生滅相 盡修於梵行 以我佛神力

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

於死得脫死 念此無記等 不解生以滅

輪轉於五道

四聖甘露法

充飽一切人

當其世尊說此頌時見此初學弟子剃除鬚髮受聖教百七十億衆生願樂欲得思惟法觀不樂在家出家爲沙門佛告三聚衆生我今東北方無限無量恒河沙數彼有利土名曰清明佛名明月彼土人民無姪怒癡亦無憍慢我慢不如慢彼土衆生恒樂安靜獨坐無爲繫念在前初無亂想雷電霹靂心無傾動爾時妙覺如來適彼刹土遇地而坐彼衆生見坐禪者悉共効之佛以神力以無想法觀廻衆生心如手

轉物令彼衆生知有常無常知生老病死苦或有衆生令知有念或有衆生令知有待或有衆生令知有安或有衆生令知自守佛將欲現四禪功德卽於三聚衆生前從初禪出入二禪三禪四禪從四禪起入三禪二禪初禪從初禪至三禪從第四至第二禪此名師子奮迅三昧爾時世尊現此神足三昧定意度無限無量那由他衆生皆共同發無上正真道有願樂須陀洹斯陀含阿那含阿羅漢法眼淨得辟支佛道當於爾時妙覺如來忽然不現

空無形教化品第十

789101234567892012345678930123456

爾時妙覺如來捨中陰形入虛空藏三昧以佛吼而吼出八種音聲何謂爲八非男聲非女聲非長聲非短聲非豪貴聲非卑賤聲非苦聲非甘露聲爾時世尊隱形不現演出八萬四千諸度無極何謂八萬四千度無極想非想有受入結使患本如月雲覆一切衆生爲欲所牽有四百病一生而一滅人犯五逆欲離泥犁去見入地獄衣毛皆豎南西方北東亦爾以聞響衆生故演此諸法當於爾時三聚衆生聞虛空語聲無色無形於其中間演出諸法善哉諸佛教無色形不可思議爾時三聚衆生異口同音以頌仰問

### 虛空白

如來本在此 三十二相具 慈悲愍一切  
 所潤難可量 爲我說微妙 八等聖道支  
 隱形聞聖音 萬物皆無常 如來黃金色  
 本有今不見 但聞音響聲 佛無我豈有  
 計我生死本 流轉而不住 但爲色所惑  
 福滅而罪至 如來大聖尊 示人代謝法  
 忽然離形相 音響來敎化 以本宿緣故  
 形逝音接我 老病生憂悲 四蛇唼我身  
 地種骨肉是 水種潤澤是 火種枯燥是

789101234567892012345678930123456

經

中華書局影印

三

馬

風種散壞是無著三乘法離有故在有  
 心垢久已離四種故存在如來大聖尊  
 無彼此四大正言有四種亦復無四種  
 正言無四種亦復有四種此是不定法  
 誰能究竟者

爾時如來答彼音聲卽說頌曰

佛子知空不一切法無常人生非本生  
 堪有本生緣我音及汝音可得不可得  
 吾從無數劫不爲一衆生一念一息頃  
 度少不以愁所度阿僧祇亦不以喜悅

我本爲一人閑靜不度人後緣而對至  
 不失本誓願處此閻浮提四姓刹利勝  
 除彼婆羅門餘姓最不如以本法界觀  
 生老病死苦我無彼亦空何者有生死  
 生者言有本生者從何生設知生死本  
 泥洹在我前解知泥洹法無佛亦無我  
 法從何處生去至何處滅佛以真實法  
 現以有無法此生此處滅愚惑得正見  
 言有亦非有言無亦非無輪轉生死海  
 爲五欲所縛無驅無鞭策自墜生死淵

789101112131415161718192012345678930123456

經

爾乃知罪福 知悔不悔者

爾時世尊說此頌時八十七億那由他三聚衆生解無形相法發無上正真道意

有色無色品第十一

爾時座上有菩薩聞空中有如來聲仰視空中嘆曰甚哉但聞其聲不見其形此色非本色餘陰亦復爾此欲界衆生難可免度要須智劍剔除令無餘我本修梵行非身口意造非一亦非二欲我從汝生由汝墮三塗一念欲滅衆想亦無去來今過去諸如來教化羣萌類說過去不說今未來今說未來不說過去

現在說現在不說過去未來或言有三世或言無三世爾時世尊欲重解斯義而說頌曰

生老病死本	諸如來塵垢	要入中拔濟
何爲地獄人	不似妙覺尊	在中陰教化
於妙妙中最	下劣所不及	如人持鉢乞
隨彼所施與	持鉢者思惟	是是有是無耶
未證自謂證	邪見之根本	正法言非法
流轉五道淵	正法分別法	不失於法性
若不失法性	此是諸佛教	法性無三事
亦無去來今	若言是現在	現在何者是

789101112131415161718192011213141516171819201121314151617181920

經

若言是過去 過去何者是 若言是未來

未來何者是 人能解此法 曉了三世事

解本無雜想 順一大乘行 有緣衆生善

濟此無不度 猶如負債人 償畢大歡喜

內外悉通達 周旋不怯弱

爾時大勢至觀世音菩薩承佛威神音響教化卽以神口而說頌曰

生老病死本 諸如來塵垢 要入中拔濟

何處不徃返 我師無量壽 永劫不滅盡

本我所誓願 何爲地獄人 不似妙覺尊

在中陰教化 於妙妙中最 下劣所不及

願我後成佛 如妙覺無異

爾時觀世音說此頌時三億衆生發無上正真道意歡喜品第十二

爾時妙覺如來入寂滅三昧將欲遊行他方世界顧見所度不可計衆生心懷踊躍猶如比丘入四禪法心意淡然無饑無渴善哉教化不失本願心懷自慶而說頌曰

如來神足力 離苦不著有 處處分身化

要度有緣者 賢劫千佛等 所度無有異

7 8 9 10 11 12 13 14 15 16 17 18 19 20 1 2 3 4 5 6 7 8 9 30

亦在三聚中 正法除非法 甘露法門開  
 掩閉三惡道 稱揚大智慧 拔出愚癡根  
 諸法自瓔珞 內外悉清淨 慈悲四等心  
 無方不遍滿 攝持身口意 超越生老死  
 爾時世尊說此頌時辟方三千大千世界滿中三聚  
 衆生承虛空中教皆發無上正真道意歡喜奉行作

### 中陰經卷下

音釋

駛	<small>踰士切</small>	燭	<small>古迦切</small>
<small>謂骨骼也</small>		<small>光也</small>	
泡	<small>匹交切</small>	狸	<small>呂支切</small>
<small>上浮滯也</small>		<small>狐狸也</small>	
唼	<small>作答切</small>	鉤	<small>鉤古侯切</small>
<small>齧也</small>		鑽	<small>蘇果切</small>
			<small>鉤鑽</small>

武	林	佛	弟	子	明	義	廣	通	性	秀	明	如	海
性	海	素	寂	靜	施	賁	其	刻	此				
中	陰	經	卷	下	詩	守	六	千	七	百	三	十七	箇
銀	三	兩	三	錢	六	分	八	厘	比	丘	解	藏	對
崇	禎	戊	辰	孟	春	月	徑	山	化	城	寺	識	

7 8 9 10 11 12 13 14 15 16 17 18 19 20 1 2 3 4 5 6 7 8 9 30

占察善惡業報經卷上

上下同卷  
出六根聚經中

隋 外 國 沙 門 菩 提 登

譯

如是我聞一時婆伽婆一切智人在王舍城耆闍崛山中以神通力示廣博嚴淨無礙道場與無量無邊諸大衆俱演說甚深根聚法門爾時會中有菩薩名堅淨信從座而起整衣服偏袒右肩合掌白佛言我今於此衆中欲有所問諮請世尊願垂聽許佛言善男子隨汝所問便可說之堅淨信菩薩言如佛先說若我去世正法滅後像法向盡及入末世如是之時衆生福薄多諸衰惱國土數亂灾害頻起種種厄難

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

怖懼逼繞我諸弟子失其善念唯長貪瞋嫉妒我慢設有像似行善法者但求世間利養名稱以之爲主不能專心修出要法爾時衆生覩世灾亂心常怯弱憂畏已身及諸親屬不得衣食充養軀命以如此等衆多障礙因緣故於佛法中鈍根少信得道者極少乃至漸漸於三乘中信心成就者亦復甚尠所有修學世間禪定發諸通業自知宿命者次轉無有如是於後入末法中經久得道獲信禪定通業等一切全無我今爲此未來惡世像法向盡及末法中有微少善根者請問如來設何方便開化示導令生信心得

除衰惱以彼衆生遭值惡時多障礙故退其善心於世間出世間因果法中數起疑惑不能堅心專求善法如是衆生可愍可救世尊大慈一切種智願興方便而曉喻之令離疑網除諸障礙信得增長隨於何乘速獲不退佛告堅淨信言善哉善哉快問斯事深適我意今此衆中有菩薩摩訶薩名曰地藏汝應以此事而請問之彼當爲汝建立方便開示演說誠汝所願時堅淨信菩薩復白佛言如來世尊無上大智何意不說乃欲令彼地藏菩薩而演說之佛告堅淨信汝莫生高下想此善男子發心已來過無量無邊

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

不可思議阿僧祇劫久已能度薩婆若海功德滿足  
但依本願自在力故權巧現化影應十方雖復普遊  
一切刹土常起功業而於五濁惡世化益偏厚亦依  
本願力所熏習故及因衆生應受化業故也彼從十  
劫來莊嚴此世界成熟衆生是故在斯會中身相  
端嚴威德殊勝唯除如來無能過者又於此世界所  
有化業唯除遍吉觀世音等諸大菩薩皆不能及以  
是菩薩本誓願力速滿衆生一切所求能滅衆生一  
切重罪除諸障礙現得安隱又是菩薩名爲善安慰  
說者所謂巧演深法能善開導初學發意求大乘者

令不怯弱以如是等因緣於此世界衆生渴仰受化  
得度是故我今令彼說之爾時堅淨信菩薩旣解佛  
意已尋卽勸請地藏菩薩摩訶薩言善哉救世真士  
善哉大智開士如我所問惡世衆生以何方便而化  
導之使離諸障得堅固信如來今者爲欲令汝說是  
方便宜當知時哀愍爲說爾時地藏菩薩摩訶薩語  
堅淨信菩薩摩訶薩言善男子諦聽當爲汝說若佛  
滅後惡世之中諸有比丘比丘尼優婆塞優婆夷於  
世間出世間因果法未得決定信不能修學無常想  
苦想無我想不淨想成就現前不能勤觀四聖諦法

789101112131415161718192012345678930123456

及十二因緣法亦不勤觀真如實際無生無滅等法以不勤觀如是法故不能畢竟不作十惡根本過罪於三寶功德種種境界不能專信於三乘中皆無定句如是等人若有種種諸障礙事增長憂慮或疑或悔於一切處心不明了多求多惱衆事牽纏所作不定思想繞亂廢修道業有如是等障難事者當用木輪相法占察善惡宿世之業現在苦樂吉凶等事緣合故有緣盡則滅業集隨心相現果起不失不壞相應不差如是諦占善惡業報曉喻自心於所疑事以取決了若佛弟子但當學習如此相法至心歸依所

觀之事無不成者不應棄捨如是之法而返隨逐世間卜筮種種占相吉凶等事貪著樂習若樂習者深障聖道善男子欲學木輪相者先當刻木如小指許使長短減於一寸正中令其四面方平自餘向兩頭斜漸去之仰手傍擲令使易轉因是義故說名爲輪又依此相能破壞衆生邪見疑網轉向正道到安隱處是故名輪其輪相者有三種差別何等爲三一者輪相能示宿世集業久近所作強弱大小差別其輪有三三者輪相能示三世中受報差別其輪有十二者輪相能示宿世集業久近所作強弱大小差別其輪

7 8 9 10 11 12 13 14 15 16 17 18 19 20 21 22 23 24 25 26 27 28 29 30

欲觀宿世作善惡業差別者當刻木爲十輪依此十輪書記十善之名一善主在一輪於一面記次以十惡書對十善令使相當亦各記在一面言十善者則爲一切衆善根本能攝一切諸餘善法言十惡者亦爲一切衆惡根本能攝一切諸餘惡法若欲占此輪相者先當學至心總禮十方一切諸佛因卽立願願令十方一切衆生速疾皆得親近供養諮受正法次應學至心敬禮十方一切法藏因卽立願願令十方一切衆生速疾皆得受持讀誦如法修行及爲他說次當學至心敬禮十方一切賢聖因卽立願願令十

方一切衆生速疾皆得親近供養發菩提心至不退轉後應學至心禮我地藏菩薩摩訶薩因卽立願願令十方一切衆生速得除滅惡業重罪離諸障礙資生衆具悉皆充足如是禮已隨所有香華等當修供養修供養者憶念一切佛法僧寶體常遍滿無所不在願令以此香華等同法性普熏一切諸佛刹土施作佛事又念十方一切供具無時不有我今當以十方所有一切種種香華瓔珞幢旛寶蓋諸珍妙飾種種音樂燈明燭火飲食衣服臥具湯藥乃至盡十方所有一切種種莊嚴供養之具憶想遙擬普共衆生

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

經

古文書卷之三

五

卷之三

奉獻供養常念一切世界中有修供養者我今隨喜若未修供養者願得開導令修供養又願我身速能遍至一切刹土於一一佛法僧所各以一切種莊嚴供養之具共一切衆生等持奉獻供養一切諸佛法身色身舍利形像浮圖廟塔一切佛事供養一切所有法藏及說法處供養一切賢聖僧衆願共一切衆生修行如是供養已漸得成就六波羅密四無量心深知一切法本來寂靜無生無滅一味平等離念清淨畢竟圓滿又應別復係心供養我地藏菩薩摩訶薩以當稱名若默誦念一心告言南無地藏菩薩摩訶薩如是稱名滿足至千經千念已而作是言地藏菩薩摩訶薩大慈大悲惟願護念我及一切衆生速除諸障增長淨信令今所觀稱實相應作此語已然後手執木輪於淨物上而傍擲之如是欲自觀法若欲觀他皆亦如是應知占其輪相者隨所現業悉應一一諦觀思驗或純具十善或純具十惡或善惡交雜或純善不具或純惡不具如是業因種類不同習氣果報各各別異如佛世尊餘處廣說應當憶念思惟觀察所現業種與今世界報所經若樂吉凶等事及煩惱業習得相當者名爲相應若不相當者謂不

至心名虛謬也若占輪相其善惡業俱不現者此人已證無漏智心專求出離不復樂受世間果報諸漏業展轉微弱更不增長是故不現又純善不具純惡不具者此二種人善惡之業所有不現者皆是微弱未能牽果是故不現若當來世佛諸弟子已占善惡果報得相應者於五欲衆具得稱意時勿當自縱以起放逸卽應思念由我宿世如是善業故今獲此報我今乃可轉更進修不應休止若遭衆厄種種衰惱不吉之事繞亂憂怖不稱意時應當甘受無令疑惑退修善業卽當思念但由我宿世造如是惡業故

今獲此報我今應當悔彼惡業專修對治及修餘善無得止住懈怠放逸轉更增集種種苦聚是名占察初輪相法善男子若欲占察過去往昔集業久近所作強弱大小差別者當復刻木爲三輪以身口意各主一輪書字記之又於輪正中一面書一畫令麤長使徹畔次第二面書一畫令細短使不至畔次第三面作一傍刻如畫令其麤深次第四面亦作傍刻令使細淺當知善業莊嚴猶如畫飾惡業衰害猶如損刻其畫長大者顯示積善來久行業猛利所作增上其畫細短者顯示積善來近始習基鈍所作微薄其

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

刻麤深者顯示習惡來久所作增上餘殃亦厚其刻細淺者顯示退善來近始習惡法所作之業未至增上或雖起重惡已曾改悔此謂小惡善男子若占初轉相者但知宿世所造之業善惡差別而不能知積習久近所作之業強弱大小是故須占第二輪相若占第二輪相者當依初輪相中所現之業若屬身者擲身輪相若屬口者擲口輪相若屬意者擲意輪相不得以此三輪之相一擲通占應當隨業主念一一善惡依所屬輪別擲占之復次若占初輪相中唯得身之善於此第二輪相中得身惡者謂無至心不得

相應名虛謬也又復不相應者謂占初輪相中得不殺業及得偷盜業意先主觀不殺業而於第二輪相中得身惡者名不相應復次若觀現在從生以來不樂殺業無造殺罪但意主殺業而於此第二輪相中得身大惡者謂名不相應自餘口意中業不相應義亦如是應知善男子若未來世諸衆生等欲求度脫生老病死始學發心修習禪定無相智慧者應當先觀宿世所作惡業多少及以輕重若惡業多厚者不得卽學禪定智慧應當先修懺悔之法所以者何此人宿習惡心猛利故於今現在必多造惡毀犯重禁

789 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

經

法華經疏卷第十一

第十八

以犯重禁故若不懺悔令其清淨而修禪定智慧者則多有障礙不能尅獲或失心錯亂或外邪所惱或納受邪法增長惡見是故當先修懺悔法若戒根清淨及宿世重罪得微薄者則離諸障善男子欲修懺悔法者當住靜處隨力所能莊嚴一室內置佛事及安經法懸繒旛蓋求集香華以修供養澡沐身體及洗衣服勿令臭穢於晝日分在此室內三時稱名一心敬禮過去七佛及五十三佛次隨十方面一一總歸擬心遍禮一切諸佛所有色身舍利形像浮圖廟塔一切佛事次復總禮十方三世所有諸佛又當擬心遍禮十方一切法藏次當擬心遍禮十方一切賢聖然後更別稱名禮我地藏菩薩摩訶薩如是禮已應當說所作罪一心仰告惟願十方諸大慈尊證知護念我今懺悔不復更造願我及一切衆生速得除滅無量劫來十惡四重五逆顛倒謗毀三寶一闡提罪復應思惟如是罪性但從虛妄顛倒心起無有定實而可得者本唯空寂願一切衆生速達心本永滅罪根次應復發勸請之願願令十方一切菩薩未成正覺者願速成正覺若已成正覺者願常住在世轉正法輪不入涅槃次當復發隨喜之願願我及一切

經

法華經疏卷第十一

九

第十八

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

經

古文書影

大

卷八

八

衆生畢竟永捨嫉妒之心於三世中 一切刹土所有  
 修學一切功德及成就者悉皆隨喜以當復發迴向  
 之願願我所修一切功德資益一切諸衆生等同趣  
 佛智至涅槃城如是發迴向願已復往餘靜室端坐  
 一心若稱誦若默念我之名號當減省睡眠若惛蓋  
 多者應於道場室中旋達誦念次至夜分時若有燈  
 燭光明事者亦應三時恭敬供養悔過發願若不能  
 辨光明事者應當直在餘靜室中一心誦念日日如  
 是行懺悔法勿令懈廢若人宿世遠有善基暫時遇  
 惡因緣而造惡法罪障輕微其心猛利意力強者經

七日後即得清淨除諸障礙如是衆生等業有厚薄  
 諸根利鈍差別無量或經二七日後而得清淨或經  
 三七日乃至或經七七日後而得清淨若過去現在  
 俱有增上種種重罪者或經百日而得清淨或經二  
 百日乃至或經千日而得清淨若極鈍根罪障最重  
 者但當能發勇猛之心不顧惜身命想常勤稱念晝  
 夜旋遶減省睡眠禮懺發願樂修供養不懈不廢乃  
 至失命要不休退如是精進於千日中必獲清淨善  
 男子若欲得知清淨相者從始修行過七日後應當  
 日日於晨朝旦以第二輪相具安手中頻三擲之若

身口意皆純善者名得清淨如是未來諸衆生等能修行懺悔者從先過去久遠以來於佛法中各曾習善隨其所修何等功德業有厚薄種種別異是故彼等得清淨時相亦不同或有衆生得三業純善時卽更得諸餘好相或有衆生得三業善相時於一日一夜中復見光明遍滿其室或聞殊特異好香氣身意快然或作善夢夢見佛色身來爲作證手摩其頭歎言善哉汝今清淨我來證汝或夢見菩薩身來爲作證或夢見佛形像放光而爲作證若人未得三業善相但先見聞如此諸事者則爲虛妄誑惑詐僞非善相也若人曾有出世善基攝心猛利者我於爾時隨所應度而爲現身放大慈光令彼安隱離諸疑怖或示神通種種變化或復令彼自憶宿命所經之事所作善惡或復隨其所樂爲說種種深要之法彼人卽時於所向乘得決定信或漸證獲沙門道果復次彼諸衆生若雖未能見我化身轉變說法但當學至心使身口意得清淨相已我亦護念令彼衆生速得消滅種種障礙天魔波旬不來破壞乃至九十五種外道邪師一切鬼神亦不來亂所有五蓋展轉輕微堪能修習諸禪智慧復次若未來世諸衆生等雖不爲

7 8 9 10 11 12 13 14 15 16 17 18 19 20 1 2 3 4 5 6 7 8 9 30

求禪定智慧出要之道但遭種種衆厄貧窮困苦憂  
惱逼迫者亦應恭敬禮拜供養悔所作惡恒常發願  
於一切時一切處勤心稱誦我之名號令其至誠亦  
當速脫種種衰惱捨此命已生於善處復次未來之  
世若在家若出家諸衆生等欲求受清淨妙戒而先  
已作增上重罪不得受者亦當如上修懺悔法令其  
至心得身口意善相已卽應可受若彼衆生欲習摩  
訶衍道求受菩薩根本重戒及願總受在家出家一  
切禁戒所謂攝律儀戒攝善法戒攝化衆生戒而  
不能得善好戒師廣解菩薩法藏先修行者應當至心

於道場內恭敬供養仰告十方諸佛菩薩請爲師證  
一心立願稱辯戒相先說十根本重戒次當總舉三  
種戒聚自誓而受此亦得戒復次未來世諸衆生等  
欲求出家及已出家若不能得善好戒師及清淨僧  
衆其心疑惑不得如法受於禁戒者但能學發無上  
道心亦令身口意得清淨已其未出家者應當剃髮  
被服法衣如上立願自誓而受菩薩律儀三種戒聚  
則名具獲波羅提木又出家之戒名爲比丘比丘尼  
卽應推求聲聞律藏及菩薩所習摩德勒伽藏受持  
讀誦觀察修行若雖出家而其年未滿三十者應當

7 8 9 10 11 12 13 14 15 16 17 18 19 20 1 2 3 4 5 6 7 8 9 30

先誓願受十根本戒及受沙彌沙彌尼所有別戒既受戒已亦名沙彌沙彌尼卽應親近供養給侍先舊出家學大乘心具受戒者求爲依止之師請問教戒修行威儀如沙彌沙彌尼法若不能值如是之人唯當親近菩薩所修摩德勒伽藏讀誦思惟觀察修行勤供養佛法僧寶若沙彌尼年已十八者亦當自誓受毗尼藏中式叉摩那六戒之法及遍學比丘尼一切戒聚其年若滿二十時乃可如上總受菩薩三種戒聚然後得名比丘比丘尼若彼衆生雖學懺悔不能至心不獲善相者設作受想不名得戒爾時堅

淨信菩薩摩訶薩問地藏菩薩摩訶薩言所說至心者差別有幾種何等至心能獲善相地藏菩薩摩訶薩言善男子我所說至心者略有二種何等爲二者初始學習求願至心二者攝意專精成就勇猛相應至心得此第二至心者能獲善相此第一至心復有下中上三種差別何等爲三一者一心所謂係想不亂心住了了二者勇猛心所謂專求不懈不顧身命三者深心所謂與法相應究竟不退若人修習此懺悔法乃至不得下至心者終不能獲清淨善相是名說占第二輪法善男子若欲占察三世中受報差

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

別者當復刻木爲六輪於此六輪以一二三四五六七八九十一十二十三十四十五十六十七十八等數書字記之一數主一面各三面令數次第不錯不亂當知如此諸數皆從一數而起以一爲本如是數相者顯示一切衆生六根之聚皆從如來藏自性清淨心一實境界而起依一實境界以之爲本所謂依一實境界故有彼無明不了一法界謬念思惟現妄境界分別取著集業因緣生眼耳鼻舌身意等六根以依內六根故對外色香味觸法等六塵起眼耳鼻舌身意等六識以依六識故於色香味觸法

中起違想順想非違非順等想生十八種受若未來世佛諸弟子於三世中所受果報欲決疑意者應當三擲此第三輪想占計合數依數觀之以定善惡如是所觀三世果報善惡之相有一百八十九種何等爲一百八十九種一者求上乘得不退二者所求果現當證三者求中乘得不退四者求下乘得不退五者求神通得成就六者修四梵得成就七者修世禪得成就八者所欲受得妙戒九者所曾受得戒具十下乘未住信十三者所觀人爲善友十四者隨所聞者求上乘未住信十一者求中乘未住信十二者求

7 8 9 10 11 12 13 14 15 16 17 18 19 20 1 2 3 4 5 6 7 8 9 30

是正法十五者所觀人爲惡友十六者隨所聞非正教十七者所觀人有實德十八者所觀人無實德十九者所觀義不錯謬二十者所觀義是錯謬二十一者有所誦不錯謬二十二者有所誦是錯謬二十三者所修行不錯謬二十四者所見聞是善相二十五者有所證爲正實二十六者有所學是錯謬二十七者所見聞非善相二十八者有所證非正法二十九者有所獲邪神持三十者所能說邪智辯三十一者所玄知非人力三十二者應先習觀智道三十三者應先習禪定道三十四者觀所學無障礙三十五者

觀所學是所宜三十六者觀所學非所宜三十七者觀所學是宿習三十八者觀所學非宿習三十九者觀所學善增長四十者觀所學方便少四十一者觀所學無進趣四十二者所求果現未得四十三者求出家當得去四十四者求聞法得教示四十五者求經卷得讀誦四十六者觀所作是魔事四十七者觀所作事成就四十八者觀所作事不成四十九者求大富財盈滿五十者求官位當得獲五十一者求壽命得延年五十二者求世仙當得獲五十三者觀學問多所達五十四者觀學問少所達五十五者求師

7 8 9 10 11 12 13 14 15 16 17 18 19 20 21 22 23 24 25 26 27 28 29 30

友得如意五十六者求弟子得如意五十七者求父  
母得如意五十八者求男女得如意五十九者求妻  
妾得如意六十者求同伴得如意六十一者觀所慮  
得和合六十二者所觀人心懷患六十三者求無恨  
得歡喜六十四者求和合得如意六十五者所觀人  
心歡喜六十六者所思人得會見六十七者所思人  
不復會六十八者所請喚得來集六十九者所憎惡  
得離之七十者所愛敬得近之七十一者觀欲聚得  
和集七十二者觀欲聚不和聚七十三者所請喚不  
得來七十四者所期人必當至七十五者所期人住

不來七十六者所觀人得安吉七十七者所觀人不  
安吉七十八者所觀人已無身七十九者所望見得  
覩之八十者所求覓得見之八十一者求所聞得吉  
語八十二者所求見不如意八十三者觀所疑卽爲  
實八十四者觀所疑爲不實八十五者所觀人不和  
合八十六者求佛事當得獲八十七者求供具當得  
獲八十八者求資生得如意八十九者求資生少得  
獲九十者有所求皆當得九十一者有所求皆不得  
九十二者有所求少得獲九十三者有所求得如意  
九十四者有所求速當得九十五者有所求久當得

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

九十六者有所求而損失九十七者有所求得吉利  
九十八者有所求而受苦九十九者觀所失求當得  
一百者觀所失求不得一百一者觀所失自還得一  
百二者求離厄得脫難一百三者求離病得除愈一  
百四者觀所去無障礙一百五者觀所去有障礙一  
百六者觀所住得安止一百七者觀所住不得安一  
百八者所向處得安快一百九者所向處有厄難一  
百一十者所向處爲魔網一百一十一者所向處難  
開化一百一十二者所向處可開化一百一十三者  
所向處自獲利一百一十四者所遊路無惱害一百

一十五者所遊路有惱害一百一十六者君民惡饑  
僅起一百一十七者君民惡多疾疫一百一十八者  
君民好國豐樂一百一十九者君無道國灾亂一百  
二十者君修德灾亂滅一百二十一者君行惡國將  
破一百二十二者君修善國還立一百二十三者觀  
所避得度難一百二十四者觀所避不脫難一百二  
十五者所住處衆安隱一百二十六者所住處有障  
難一百二十七者所依聚衆不安一百二十八者閑  
靜處無諸難一百二十九者觀怪異無損害一百三  
十者觀怪異有損害一百三十一者觀怪異精進安

7 8 9 10 11 12 13 14 15 16 17 18 19 20 1 2 3 4 5 6 7 8 9 30

一百三十二者觀所夢無損害一百三十二者觀所夢有損害一百三十四者觀所夢精進安一百三十五者觀所夢爲吉利一百三十六者觀障亂速得離一百三十七者觀障亂漸得離一百三十八者觀障亂不得離一百三十九者觀障亂一心除一百四十者觀所難速得脫一百四十一者觀所難久得脫一百四十二者觀所難受衰惱一百四十三者觀所難精進脫一百四十四者觀所難命當盡一百四十五者觀所患大不調一百四十六者觀所患非人惱一百四十七者觀所患合非人一百四十八者觀所患

可療治一百四十九者觀所患難療治一百五十者觀所患精進差一百五十一者觀所患久長苦一百五十二者觀所患自當差一百五十三者觀所患向醫堪能治一百五十四者觀所療是對治一百五十五者所服藥當得力一百五十六者觀所患得除愈一百五十七者所向醫不能治一百五十八者觀所療非對治一百五十九者所服藥不得力一百六十者觀所患命當盡一百六十一者從地獄道中來一百六十二者從畜生道中來一百六十三者從餓鬼道中來一百六十四者從阿修羅道中來一百六十

78961011234567892012345678930123456

五者從人道中而來一百六十六者從天道中而來  
 一百六十七者從在家中而來一百六十八者從出  
 家中而來一百六十九者曾值佛供養來一百七十  
 者曾親供養賢聖來一百七十一者曾得聞深法來  
 一百七十二者捨身已入地獄一百七十三者捨身  
 已作畜生一百七十四者捨身已作餓鬼一百七十  
 五者捨身已作阿修羅一百七十六者捨身已生人  
 道一百七十七者捨身已爲人王一百七十八者捨  
 身已生天道一百七十九者捨身已爲天王一百八  
 十者捨身已聞深法一百八十一者捨身已得出家

一百八十二者捨身已值聖僧一百八十三者捨身  
 已生兜率天一百八十四者捨身已生淨佛國一百  
 八十五者捨身已尋見佛一百八十六者捨身已住  
 下乘一百八十七者捨身已住中乘一百八十八者  
 捨身已獲果證一百八十九者捨身已入上乘善男子  
 是名一百八十九種善惡果報差別之相如此占  
 法隨心所觀主念之事若數合與意相當者無有乖  
 錯若其所擲所合之數數與心所觀主念之事不相  
 當者謂不至心名爲虛謬其有三擲而皆無所見者  
 此人則名已得無所有也復次善男子若自發意觀

789010123456789020123456789030123456

於他人所受果報事亦同爾若有他人不能自占而來求請欲使占者應當籌量觀察自心不貪世間內意清淨然後乃可如上歸敬修行供養至心發願而爲占察不應貪求世間名利如行師道以自妨亂又若内心不清淨者設令占察而不相當但爲虛謬耳復次若未來世諸衆生等一切所占不獲吉善所求不得種種憂慮逼惱怖懼時應當晝夜常勤誦念我之名字若能至心者所占則吉所求皆獲現離衰惱

占察善惡業報經卷上

占察善惡業報經卷下

隋 外 國 沙 門 布 提 登 譯

爾時堅淨信菩薩摩訶薩問地藏菩薩摩訶薩言云何開示求向大乘者進趣方便地藏菩薩摩訶薩言善男子若有衆生欲向大乘者應當先知最初所行根本之業其最初所行根本業者所謂依止一實境界以修信解因修信解力增長故速疾得入菩薩種性所言一實境界者謂衆生心體從本以來不生不滅自性清淨無障無礙猶如虛空離分別故平等普遍無所不至圓滿十方究竟一相無二無別不變不

7 8 9 10 11 12 13 14 15 16 17 18 19 20 1 2 3 4 5 6 7 8 9 30

異無增無減以一切衆生心一切聲聞辟支佛心一切菩薩心一切諸佛心皆同不生不滅無染寂靜真如相故所以者何一切有心起分別者猶如幻化無有真實所謂識受想行憶念緣慮覺知等法種種心數非青非黃非赤非白亦非雜色無有長短方圓大小乃至盡於十方虛空一切世界求心形狀無一區分而可得者但以衆生無明癡暗熏習因緣現妄境界令生念著所謂此心不能自知妄自謂有起覺知想計我我所而實無有覺知之相以此妄心畢竟無體不可見故若無覺知能分別者則無十方三世一

切境界差別之相以一切法皆不能自有但依妄心分別故有所謂一切境界各各不自念爲有知此爲自知彼爲他是故一切法不能自有則無別異唯依妄心不知不不了內自無故謂有前外所知境界妄生種種法想謂有謂無謂彼謂此謂是謂非謂好謂惡乃至妄生無量無邊法想當如是知一切諸法皆從妄想生依妄心爲本然此妄心無自相故亦依境界而有所謂緣念覺知前境界故說名爲心又此妄心與前境界雖俱相依起無先後而此妄心能爲一切境界源主所以者何謂依妄心不了法界一相故說

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

心有無明依無明力因故現妄境界亦依無明滅故一切境界滅非依一切境界自不了故說境界有無明亦非依境界故生於無明以一切諸佛於一切境界不生無明故又復不依境界滅故無明心滅以一切境界從本已來體性自滅未曾有故因如此義是故但說一切諸法依心爲本當知一切諸法悉名爲心以義體不異爲心所攝故又一切諸法從心所起與心作相和合而有共生共滅同無有住以一切境界但隨心所緣念念相續故而得住持暫時爲有如是所說心義者有二種相何等爲二一者心內相二

者心外相心內相者復有二種云何爲二一者真二者妄所言真者謂心體本相如如不異清淨圓滿無障無礙微密難見以遍一切處常恒不壞建立生長一切法故所言妄者謂起念分別覺知緣慮憶想等事雖復相續能生一切種種境界而內虛僞無有真實不可見故所言心外相者謂一切諸法種種境界等隨有所念境界現前故知有內心及內心差別如是當知內妄相者爲因爲體外妄相者爲果爲用依如此等義是故我說一切諸法悉名爲心又復當知心外相者如夢所見種種境界唯心想作無實外事

789101234567892012345678930123456

一切境界悉亦如是以皆依無明識夢所見妄想作故復次應知内心念念不住故所見所緣一切境界亦隨心念念不住所謂心生故種種法生心滅故種種法滅是生滅相但有名字實不可得以心不徃至於境界境界亦不來至於心如鏡中像無來無去是故一切法求生滅定相了不可得所謂一切法畢竟無體本來常空實不生滅故如是一切法實不生滅者則無一切境界差別之相寂靜一味名爲真如第一義諦自性清淨心彼自性清淨心湛然圓滿以無分別相故無分別相者於一切處無所不在無所不

在者以能依持建立一切法故復次彼心名如來藏所謂具足無量無邊不可思議無漏清淨功德之業以諸佛法身從無始本際來無障無礙自在不滅一切現化種種功業恒常熾然未曾休息所謂遍一切世界皆示作業種種化益故以一佛身即是一切諸佛身一切諸佛身即是一佛身所有作業亦皆共一所謂無分別相不念彼此平等無二以依一法性而有作業同自然化體無別異故如是諸佛法身遍一切處圓滿不動故隨諸衆生死此生彼恒爲作依譬如虛空悉能容受一切色像種種形類以一切色像

789101234567892012345678930123456

種種形類皆依虛空而有建立生長住虛空中爲虛空處所攝以虛空爲體無有能出虛空界分者當知色像之中虛空之界不可毀滅色像壞時還歸虛空而虛空本界無增無減不動不變諸佛法身亦復如是悉能容受一切衆生種種果報以一切衆生種種果報皆依諸佛法身而有建立生長住法身中爲法身處所攝以法身爲體無有能出法身界分者當知一切衆生身中諸佛法身亦不可毀滅若煩惱斷壞時還歸法身而法身本界無增無減不動不變但從無始世來與無明心俱癡闇因緣熏習力故現妄境

界以依妄境界薰習因緣故起妄相應心計我我所造集諸業受生死苦說彼法身名爲衆生若如是衆生中法身熏習而有力者煩惱漸薄能厭世間求涅槃道信歸一實修六波羅蜜等一切菩提分法名爲菩薩若如是菩薩中修行一切善法滿足究竟得離無明睡者轉名爲佛當知如是衆生菩薩佛等但依世間假名言說故而有差別而法身之體畢竟平等無有異相善男子是名略說一實境界義若欲依一實境界修信解者應當學習二種觀道何等爲二者唯心識觀二者真如實觀學唯心識觀者所謂於

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

卷之三

三

是

一切時一切處隨身口意所有作業悉當觀察知唯  
是心乃至一切境界若心住念皆當察知勿令使心  
無記攀緣不自覺知於念念間悉應觀察隨心有所  
緣念還當使心隨逐彼念令心自知知已內心自生  
想念非一切境界有念有分別也所謂內心自生長  
短好惡是非得失衰利有無等見無量諸想而一切  
境界未會有想起於分別當知一切境界自無分別  
想故卽自非長非短非好非惡乃至非有非無離一  
切相如是觀察一切法唯心想生若使離心則無一  
法一相而能自見有差別也常應如是守記內心知

唯妄念無實境界勿令休廢是名修學唯心識觀若  
心無記不知自心念者卽謂有前境界不名唯心識  
觀又守記内心者則知貪想瞋想及愚癡邪見想知  
善知不善知無記知心勞慮種種諸苦若於坐時隨  
心所緣念念觀知唯心生滅譬如水流燈燄無暫時  
住從是當得色寂三昧得此三昧已次應學習信奢  
摩他觀心及信毗婆舍那觀心習信奢摩他觀心者  
思惟內心不可見相圓滿不動無來無去本性不生  
不滅離分別故習信毗婆舍那觀心者想見內外色  
隨心生隨心滅乃至習想見佛色身亦復如是隨心

經

卷之三

三

是

789010 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

生隨心滅如幻如化如水中月如鏡中像非心不離  
心非來非不來非去非不去非生非不生非作非不  
作善男子若能習信此二觀心者速得趣會一乘之  
道當知如是唯心識觀名爲最上智慧之門所謂能  
令其心猛利長信解力疾入空義得發無上大菩提  
心故若學習真如實觀者思惟心性無生無滅不住  
見聞覺知求離一切分別之想漸漸能過空處識處  
無少處非想非非想處等定境界相得相似空三昧  
得相似空三昧時識想受行麤分別相不現在前從  
此修學爲善知識大慈悲者守護長養是故離諸障

凝勤修不廢展轉能入心寂三昧得是三昧已卽復  
能入一行三昧入是一行三昧已見佛無數發深廣  
行心住堅信位所謂於奢摩他毗婆舍那二種觀道  
決定信解能決定向隨所修學世間諸禪三昧之業  
無所樂著乃至遍修一切善根菩提分法於生死中  
無所怯畏不樂二乘以依能習向二觀心最妙巧便  
衆智所依行根本故復次修學如上信解者人有二  
種何等爲二者利根二者鈍根其利根者先已能  
知一切外諸境界唯心所作虛誑不實如夢如幻等  
決定無有疑慮陰益輕微散亂心少如是等人卽應

789101234567892012345678930123456

學習真如實觀其鈍根者先未能知一切外諸境界悉唯是心虛誑不實故染著情厚益障數起心難調伏應當先學唯心識觀若人雖學如是信解而善根業薄未能進趣諸惡煩惱不得漸伏其心疑怯畏墮三惡道生八難處畏不常值佛菩薩等不得供養聽受正法畏苦提行難可成就有如此疑怖及種種障礙等者應於一切時一切處常勤誦念我之名字若得一心善根增長其意猛利當觀我法身及一切諸佛法身與已自身體性平等無二無別不生不滅常樂我淨功德圓滿是可歸依又復觀察已身心相無

常苦無我不淨如幻如化是可厭離若能修學如是觀者速得增長淨信之心所有諸障漸漸損減何以故此人名爲學習聞我名者亦能學習聞十方諸佛名者名爲學至心禮拜供養我者亦能學至心禮拜供養十方諸佛者名爲學聞大乘深經者名爲學執持書寫供養恭敬大乘深經者名爲學受持讀誦大乘深經者名爲學遠離邪見於深正義中不墮謗者名爲於究竟甚深第一實義中學信解者名爲能除諸罪障者名爲當得無量功德聚者此人捨身終不墮惡道八難之處還聞正法習信修行亦能隨願往

78910111213141516171819201121314151617181930

生他方淨佛國土復次若人欲生他方現在淨國者應當隨彼世界佛之名字專意誦念一心不亂如上觀察者決定得生彼佛淨國善根增長速獲不退當知如上一心繫念思惟諸佛平等法身一切善根中其業最勝所謂勤修習者漸漸能向一行三昧若到一行三昧者則成廣大微妙行心名得相似無生法忍以能得聞我名字故亦能得聞十方諸佛名字故以能至心禮拜供養我故亦能至心禮拜供養十方諸佛故以能得聞大乘深經故能執持書寫供養恭敬大乘深經故能受持讀誦大乘深經故能於究竟

甚深第一實義中不生怖畏遠離誹謗得正見心能信解故決定除滅諸罪障故現證無量功德聚故所以者何謂無分別菩提心寂靜智現起發方便業種種願行故能聞我名者謂得決定信利益行故乃至一切所能者皆得不退一乘因故若雜亂垢心雖復稱誦我之名字而不名爲聞以不能生決定信解但獲世間善報不得廣大深妙利益如是雜亂垢心隨其所修一切諸善皆不能得深大利益善男子當知如上勤心修學無相禪者不久能獲深大利益漸次作佛深大利益者所謂得入堅信法位成就信忍故

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

入堅修位成就順忍故入正真位成就無生忍故又成就信忍者能作如來種性故成就順忍者能解如來行故成就無生忍者得如來業故漸次作佛者略說有四種何等爲四一者信滿法故作佛所謂依種性地決定信諸法不生不滅清淨平等無可願求故二者解滿法故作佛所謂依解行地深解法性知如來業無造無作於生死涅槃不起二想心無所怖故三者證滿法故作佛所謂依淨心地以得無分別寂靜法智及不思議自然之業無求想故四者一切功德行滿足故作佛所謂依究竟菩薩地能除一切諸

障無明夢盡故復次當知若修學世間有相禪者有三種何等爲三一者無方便信解力故貪受諸禪三昧功德而生嬌慢爲禪所縛退求世間二者無方便信解力故依禪發起偏厭離行怖怯生死退墮二乘三者有方便信解力所謂依止一實境界習近奢摩他毗婆舍那二種觀道故能信解一切法唯心想生如夢如幻等雖獲世間諸禪功德而不堅著不復退求三有之果又信知生死卽涅槃故亦不怖怯退求二乘如是修學一切諸禪三昧法者當知有十種次第相門具足攝取禪定之業能令學者成就相應不

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

錯不謬何等爲十一者攝念方便相二者欲住境界相三者初住境界分明了了知出知入相四者善住境界得堅固相五者所作思惟方便勇猛轉求進趣相六者漸得調順稱心喜樂除疑惑信解自安慰相七者尅獲勝進意所專者少分相應覺知利益相八者轉修增明所習堅固得勝功德對治成就相九者隨心有所念作外現功業如意相應不錯不謬相十者若更異修依前所得而起方便次第成就出入隨心超越自在相是名十種次第相門攝修禪定之業爾時堅淨信菩薩摩訶薩問地藏菩薩摩訶薩言汝

云何巧說深法能令衆生得離怯弱地藏菩薩摩訶薩言善男子當知初學發意求向大乘未得信心者於無上道甚深之法喜生疑怯我嘗以巧便宣顯實義而安慰之令離怯弱是故號我爲善安慰說者云何安慰所謂鈍根小心衆生聞無上道最勝最妙意雖貪樂發心願向而復思念求無上道者要須積功廣極難行苦行自度度他劫數長遠於生死中久受勤苦方乃得獲以是之故心生怯弱我卽爲說真實之義所謂一切諸法本性自空畢竟無我無作無受無自無他無行無到無有方所亦無過去現在未來

789101234567892012345678930123456

經

古漢書卷之三

三

景

乃至爲說十八空等無有生死涅槃一切諸法定實之相而可得者又復爲說一切諸法如幻如化如水中月如鏡中像如乾闥婆城如空谷響如陽光如泡如露如燈如日曠如夢如電如雲煩惱生死性甚微弱易可令滅又煩惱生死畢竟無體求不可得本來不生實更無滅自性寂靜即是涅槃如此所說能破一切諸見損自身心執著想故得離怯弱復有衆生不解如來言說旨意故而生怯弱當知如來言說旨意者所謂如來見彼一實境界故究竟得離生老病死衆惡之法證彼法身常恒清涼不變等無量功德

聚復能了了見一切衆生身中皆有如是真實微妙清淨功德而爲無明闇染之所覆障長夜恒受生老病死無量衆苦如來於此起大慈悲意欲令一切衆生離於衆苦同獲法身第一義樂而彼法身是無分別離念之法唯有能滅虛妄識想不起念者乃所應得但一切衆生常樂分別取著諸法以顛倒妄想故而受生死是故如來爲欲令彼離於分別執著想故說一切世間法畢竟體空無所有乃至一切出世間法亦畢竟體空無所有若廣說者如十八空如是顯示一切諸法皆不離菩提體菩提者非有非無非

經

古漢書卷之三

三

景

7 8 9 10 11 12 13 14 15 16 17 18 19 20 1 2 3 4 5 6 7 8 9 30

經

卷之三

三

景八

非有非非無非有無俱非一非異非非一非非異非  
一異俱乃至畢竟無有一相而可得者以離一切相  
故離一切相者所謂不可依言說取以菩提法中無  
有受言說者及無能言說者故又不可依心念知以  
菩提法中無有能取可取無自無他離分別相故若  
有分別想者則爲虛僞不名相應如是等說鈍根衆  
生不能解者謂無上道如來法身但唯空法一向畢  
竟而無所有其心怯弱畏墮無所得中或生斷滅想  
作增減見轉起誹謗自輕輕他我卽爲說如來法身  
自性不空有真實體具足無量清淨功業從無始世  
來自然圓滿非修非作乃至一切衆生身中亦皆具  
足不變不異無增無減如是等說能除怯弱是名安  
慰又復愚癡堅執衆生聞如是等說亦生怯弱以取  
如來法身本來滿足非修非作相故起無所得相而  
生怯弱或計自然墮邪倒見我卽爲說修行一切善  
法增長滿足生如來色身得無量功德清淨果報如  
此等說令離怯弱是名安慰而我所說甚深之義真  
實相應無有諸過以離相違說故云何知離相違相  
所謂如來法身中雖復無有言說境界離心想念非  
空非不空乃至無一切相不可依言說示而據世諦

經

卷之三

三

景八

789101112131415161718192012345678930123456789

幻化因緣假名法中相待相對則可方便顯示而說以彼法身性實無分別離自相離他相無空無不空乃至遠離一切諸相故說彼法體爲畢竟空無所有以離心分別想念則盡無一相而能自見自知爲有是故空義決定真實相應不謬復次卽彼空義中以離分別妄想心念故則盡畢竟無有一相而可空者以唯有真實故卽爲不空所謂離識想故無有一切虛僞之相畢竟常恒不變不異以更無一相可壞可滅離增減故又彼無分別實體之處從無始世來具無量功德自然之業成就相應不離不脫故說爲不

空如是實體功德之聚一切衆生雖復有之但爲無明瞞覆障故而不知見不能尅獲功德利益與無莫異說名未有以不知見彼法體所有功德利益之業非彼衆生所能受用不名屬彼唯依遍修一切善法對治諸障見彼法身然後乃獲功德利益是故說修一切善法生如來色身善男子如我所說甚深之義決定真實離相違過當如是知爾時地藏菩薩摩訶薩說如此等殊勝方便深要法門時有十萬億衆生發阿耨多羅三藐三菩提心住堅信位復有九萬八千菩薩得無生法忍一切大衆各以天妙香華供養

於佛及供養地藏菩薩摩訶薩爾時佛告諸大衆言汝等各各應當受持此法門隨所住處廣令流布所以者何如此法門甚爲難值能大利益若人得聞彼地藏菩薩摩訶薩名號及信其所說者當知是人速能得離一切所有諸障礙事疾至無上道於是大衆皆同發言我當受持流布世間不敢令忘爾時堅淨信菩薩摩訶薩白佛言世尊如是所說六根聚修多羅中名何法門此法真要我當受持令末世中普皆得聞佛告堅淨信菩薩摩訶薩言此法門名爲占察善惡業報亦名消除諸障增長淨信亦名開示求向

大乘者進趣方便顯出甚深究竟實義亦名善安慰說令離怯弱速入堅信決定法門依如是名義汝當受持佛說此法門名已一切大會悉皆歡喜信受奉

行

占察善惡業報經卷下

音釋

妙少也

十筮

筮時制切灼龜

於計

武林比丘尼道圓發心刻此

占察善惡業報經卷上卷下超薦檀越廣因  
先師祖云先母廣証以資冥福早生蓮界  
計字一萬三千三百四十箇該銀六兩六錢

七分正

崇禎五年季秋月徑山化城寺識

78910123456789201234567893012345

音響。一切所有諸障礙事疾苦無上道。於是大眾  
皆察善惡業蹟。雖卷下布世間不收令惡業墮  
畜生。

受持。出此去門。召一限大會。參普歡喜。計受未  
滿。令諸沙門。惠人。望許。大眾去門。召收吳。益。義。大。當  
大乘。普歎歎。大財。贍出甚深。究竟實善。不善。安。提

### 佛說蓮華面經卷上

上下同卷

隋三藏法師那連提耶舍譯

如是我聞。一時佛住毗舍離獮猴池岸上。天重閣中。  
如來不久當捨壽命。爾時佛告阿難。我今共汝往波  
波城。彼有長者名毗沙門。德吾欲化之。阿難言。唯然。  
受如來教。卽隨佛行。未入彼城。有跋提河。佛告阿難。  
我今疲極。可入河浴爾。時世尊脫鬱多羅僧。置河岸  
上。入河澡洗。佛告阿難。汝可至心觀。如來身三十二  
相。以自莊嚴。如是之身。却後三月。當入涅槃。復告阿  
難。汝當更觀。如來之身。如優曇華。久遠乃現。時時一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

出難出難見如是佛身過於彼華百千萬倍難出難  
見如是之身却後三月更不復現復告阿難汝當更  
觀如來之身如華鬘師取貫華綫種種色華及種種  
香結作華鬘彼變成已覩者歡喜如來身者三十二  
相八十種好以自莊嚴闇浮提金光色明燄圓光一  
尋如是身者却後三月當般涅槃復告阿難汝當更  
觀如來之身如三十三天所住之地百寶莊嚴復有  
種種音樂快樂彼諸天等於彼寶地及天音樂不能  
暫捨亦不能記彼地寶色如是佛身三十二相不可  
遍觀何以故觀一一相心不能捨如是身者却後三

月當般涅槃復告阿難汝當更觀如來之身譬如日  
月有大威德神通光明在佛身邊悉蔽不現是故佛  
身過彼日月最尊最勝如是之身却後三月當般涅  
槃復告阿難譬如師子諸獸中王如天帝釋大伊羅  
鉢象諸象中王佛身亦爾具大勢力獨步無畏如是  
之身却後三月當般涅槃復告阿難汝當更觀如來  
之身如須彌山王四寶所成處于大海安住不動其  
體堅實無有瑕隙如來之身過那羅延力百千萬倍  
不可爲比如是之身却後三月當般涅槃復告阿難  
如來之身於無足二足多足衆生有色無色有想無

789101112131415161718192012345678930123456789

想非有想非無想衆生之中如來色身最尊最勝如是之身却後三月當般涅槃復告阿難如小千世界千日千月千須彌山千弗于逮千瞿耶尼千鬱怛羅越千闍浮提千四天王千三十三天千帝釋天王千燄摩天千燄摩天王千兜率陀天千兜率陀天王千化樂天千化樂天王千他化自在天千他化自在天王千梵身天千梵身天王如是小千世界滿中諸天欲見如來面貌周盡不能得見何以故如來面光如百千電燄出過世間所有光明百千萬倍是故帝釋大梵天等常讚歎佛光明殊勝如是之身却後三月

當般涅槃復告阿難莫作是念如來不盡貪瞋癡故自讚已身如來身者貪瞋癡使及彼習氣永盡無餘如是阿難如來應供正遍知有大威德汝常供侍如來身以是因緣所得功德不可量不可數不可思議無量無邊阿僧祇阿難汝今欲聞如來滅後未來衆生供養如來碎身舍利因緣事不爾時阿難偏袒右臂右膝著地合掌白佛言世尊今正是時大德婆伽婆今正是時惟願如來爲我宣說佛涅槃後諸衆生等供養如來碎身舍利因緣等事我聞是法至心受持廣爲他說佛告阿難汝善諦聽我今當說阿難

7 8 9 10 11 12 13 14 15 16 17 18 19 20 21 22 23 24 25 26 27 28 29 30

如來入涅槃時入金剛三昧碎此肉身猶如芥子如  
是一分舍利向諸天所爾時帝釋天王及諸天衆見  
佛舍利知佛涅槃卽雨天曼陀羅華摩訶曼陀羅華  
曼殊沙華摩訶曼殊沙華供養舍利如見佛身禮拜  
右繞有種阿耨多羅三藐三菩提善根有種聲聞善  
根有種辟支佛善根有一分舍利向龍世界中爾時  
娑伽羅龍王無量龍等見佛舍利大設供養以因陀  
羅寶摩訶因陀羅寶火味寶清水寶如是無量種種  
諸寶持用供養碎身舍利禮拜右繞作供養已是時  
龍等各自發願有發阿耨多羅三藐三菩提願者有

發聲聞菩提願者有發辟支佛菩提願者有一分舍  
利向夜叉世界爾時毗沙門王及餘無量大夜叉將  
見碎身舍利以種種華末香燒香燈明音樂如是無  
量供養舍利禮拜合掌右繞恭敬有發無上大菩提  
願有發聲聞願有發辟支佛願彼餘舍利在閻浮提  
當來有王名阿輸迦統一閻浮提此王爲供養舍利  
復有六萬諸王亦當供養碎身舍利以諸華蔓種種  
香等燈明音樂供養禮拜右繞恭敬有種無上大苦  
提善根有種聲聞善根有種辟支佛善根有卽捨家

7 8 9 10 11 12 13 14 15 16 17 18 19 20 1 2 3 4 5 6 7 8 9 30

經

四

卷九

出家於佛法中信心清淨剃除鬚髮而被法服精勤修道皆悉漏盡而般涅槃如是阿難如來應供正徧知有大威德以彼法身依生身故供養生身舍利因緣所得功德無量無邊阿僧祇不可數不可說爾時如來作如是念我此三阿僧祇劫勤苦所成佛法欲令久住於世間故當往諸天諸阿修羅諸龍迦樓羅摩睺羅伽等所住之處付囑佛法爾時如來卽於閻浮提沒三十三天中出爾時帝釋天王見世尊已卽敷高座奉迎如來白佛言世尊願受此座爾時世尊卽坐其座帝釋天王與百千萬衆頂禮佛足住在一

面佛告帝釋言汝今當知吾亦不久當般涅槃以此佛法囑累於汝汝當護持如是至三帝釋天王悲泣雨面拭淚而言世尊涅槃一何疾哉如來涅槃何其太速世間法眼於茲永滅如佛所教是我力分卽當護持恭敬供養如來昔於兜率陀天降神母胎我於爾時與忉利衆常作守護及佛生時亦與諸天共來守護如來坐於菩提樹下破八千萬億魔軍得阿耨多羅三藐三菩提時我與諸天亦常守護佛於波羅柰鹿野苑中三轉十二行法輪時我與天衆亦常守護我今無力能使如來不入涅槃無力能護爾時世

經

佛說法華經卷上

七

卷九

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6

尊種種說法勸喻安慰示教利喜帝釋諸天令護佛法從天上沒卽於娑伽羅龍王宮出爾時龍王見如來至卽時敷座佛坐其座告龍王曰汝今當知如來不久入於涅槃我以佛法囑累於汝汝當守護無令斷絕龍王當知此龍世界有諸惡龍多生瞋恚不知罪福爲惡卒暴破壞我法是故我今以此佛法囑累於汝爾時龍王悲泣雨面欷淚而言世尊我諸龍等盲無慧眼是故今者生畜生中若佛滅後龍世界空我等捨命不知未來當生何處諸佛如來是衆生寶云何今者欲般涅槃世間眼滅爾時世尊示教利喜

娑伽羅王令護佛法在龍宮沒於德叉迦龍王宮出爾時龍王爲佛敷座佛坐其座龍王復與百萬億龍頂禮佛足却住一面佛告龍王汝等當知如來不久入無漏界而般涅槃今以佛法囑累於汝至心守護爾時龍王悲泣雨面以手拭淚而白佛言如來滅度世間眼滅諸佛如來是衆生寶若佛滅度我今不知當生何處佛爲龍王種種說法示教利喜卽從彼沒於黑色龍王宮中出爾時龍王爲佛敷座佛坐其座黑色龍王與百萬億龍衆頂禮佛足却住一面佛告龍王汝等當知如來不久入般涅槃我以佛法囑累

789101234567892012345678930123456

於汝汝當至心而守護之爾時龍王悲泣雨面挾淚而言如來滅度世間眼滅諸佛如來是衆生寶若佛滅度我今不知當生何處佛爲說法示教利喜卽從彼沒於夜又世界出爾時毗沙門王爲佛敷座佛坐其座毗沙門王與百萬億夜叉之衆頂禮佛足却坐一函爾時毗留勒又天王與百萬億鳩槃茶衆頂禮佛足却坐一函爾時毗留博叉天王與百萬億諸龍之衆頂禮佛足却坐一函爾時提頭賴吒天王與百萬億乾闥婆衆頂禮佛足却坐一函爾時大夜又將般脂迦槃折迦旃荼婆多耆利子摩跋多摩尼跋陀

富那跋陀如是一切諸夜叉將頂禮佛足却坐一函爾時佛告四天大王及夜叉將乾闥婆將鳩槃茶將諸龍將言汝等當知如來不久入般涅槃我以佛法囑累於汝當好守護第二第三亦如是說汝等當知夜叉國中諸惡夜叉鳩槃茶國惡鳩槃茶乾闥婆國惡乾闥婆諸龍國土有諸惡龍如是衆生多起瞋恚不知罪福爲惡卒暴破我三阿僧祇劫勤苦所修無上佛法是故我今囑累汝等時四天王及夜叉將乃至龍將悲泣雨面挾淚而白佛言世尊涅槃何其太速如來滅度一何疾哉爲死摩竭之所吞噬爾時世

789101112131415161718192012345678930123456789

尊種種說法示教利喜卽從彼沒闇浮提出爾時世尊作如是念我所作事今已作竟諸惡衆生今已調伏可入涅槃爾時阿難生大苦惱悲泣雨面如箭入心悶絕倒躯宛轉于地而作是言世尊涅槃何其太速如來滅度一何疾哉世間眼滅我復更當與誰持鉢更復持扇在誰邊立不復更聞甘露之法誰復與我說甘露味我今更復隨誰後行不復更見殊勝日月圓滿之面尊者舍利弗等大智慧人已入涅槃而佛如來今復滅度世間闍冥失智慧眼智須彌王今

欲崩散佛樹欲倒法橋欲絕法船欲沉法炬欲滅正法日月將墜於地解脫之門今欲閉塞三惡道門今將欲開三阿僧祇劫所集法聚將沒不久爾時佛告長老阿難汝莫憂愁莫復啼哭莫大叫喚椎胸哽噎悶絕躯地何以故世間生者是有爲法會歸無常欲令此法不失不壞而常住者無有是處爾時世尊種種說法安慰勸喻示教利喜囑法藏已默然而住爾時世尊復作是念阿難比丘爲憂愁刺深入其心我今當拔彼憂愁刺告阿難言汝今欲見未來事不我見來世如觀現在當爲汝說爾時阿難偏袒右肩右

789101112131415161718192012345678930

膝著地合掌向佛頂禮佛足而白佛言大德世尊當爲我說今正是時我聞法已當奉受持廣宣流布佛告阿難諦聽至心我今當說阿難未來之時有諸破戒比丘身著袈裟遊行城邑往來聚落住親里家彼非比丘又非白衣畜養婦妾產育男女復有比丘住姪女家復有比丘姪比丘尼復有比丘貯畜金銀造作生業以自活命復有比丘通致使驛以自活命復有比丘專行醫藥以自活命復有比丘圍碁六博以自活命復有比丘爲他卜筮以自活命復有比丘爲他呪彼死屍令起遣殺怨家以自活命復有比丘爲

他誦呪驅遣鬼神多取財物以自活命復有比丘專行殺生以自活命復有比丘住僧伽藍私自費用佛法僧物以自活命復有比丘內實犯戒外示護持受人信施復有比丘雖不破戒而懷慳惜衣服飲食及以鄙格衆僧之物不與客僧復有比丘雖不破戒懷惜衆僧房舍牀座不與客僧復有比丘雖不破戒爲人信施惟欲自受復有比丘實非羅漢而常詐稱得羅漢果欲令人知我是羅漢復有比丘多受檀越四事供養內無實德惟增貪心但爲活命不爲修道復

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

傳說題解卷之二

六

景九

有比丘興利賣賈以自養活復有比丘專行偷盜以自養活復有比丘畜養象馬駝驢牛羊乃至賣買以自養活復有比丘販賣奴婢以自養活復有比丘屠殺牛羊以自養活復有比丘受募入陣征戰討伐多殺衆人以求勳賞復有比丘穿窬牆壁盜他財物以自活命復有比丘專行劫奪攻破城邑及與聚落以自活命復有比丘毀壞佛塔取其寶物以自活命如是無量地獄因緣捨命之後皆墮地獄阿難譬如師子命絕身死若空若地若水若陸所有衆生不敢食彼師子身肉惟師子身自生諸蟲還自噉食師子之

肉阿難我之佛法非餘能壞是我法中諸惡比丘猶如毒刺破我三阿僧祇劫積行勤苦所集佛法阿難譬如有人入於大海至寶渚中多取寶物置於船上欲度大海於中沉沒佛之正法如彼寶船當來破戒諸惡比丘多樂造作種種惡業滅我佛法沉沒不現阿難如來涅槃不久之間正法當亂正法亂已復有種種諸惡比丘出現於世不信如來得證無漏寂滅涅槃況復信有世間餘人得阿羅漢入涅槃者阿難如來所有正法名味句義所謂修多羅祇夜禪迦曷羅伽陀憂陀那尼陀那阿波陀那伊帝鼻利多伽闍

78910111213141516171819201121314151617181930

多迦毗佛略阿浮陀達摩優婆提舍十二部經爲惡比丘之所毀滅彼諸人等樂作文章綺飾言辭多有如是諸惡比丘破我佛法爾時阿難白佛言世尊當來之世如是破戒諸惡比丘而出生耶佛言如是如是阿難未來之世當有如是諸惡比丘出現於世雖被法服剃除鬚髮破我佛法爾時阿難作如是念以佛力故可令我見未來之世如是事不爾時如來以神通力卽令阿難悉見未來諸惡比丘以兒坐膝置婦其傍復見種種諸非法事爾時阿難見此事已心大怖畏身毛皆豎卽白佛言世尊如來速入涅槃今

正是時何用見此未來之世如是惡事佛告阿難汝意云何如來向說諸惡比丘惡業果報豈是餘人所能知不阿難白佛言善哉善哉阿難實如汝說唯有一世諸惡業報佛言善哉善哉阿難實如汝說唯有如來乃能知之阿難汝今頗見佛未涅槃諸惡比丘圍繞如來爲說法不阿難白言無如是事佛言阿難善哉善哉如汝所說如來現在實無如是諸惡比丘圍繞如來佛爲說法佛言阿難未來之世多有在家白衣得生天上多有出家之人墮於地獄餓鬼畜生復告阿難善惡之業終不敗亡我於過去曾作賚主

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

佛說法華經卷第十一

十一

嘉州

入於大海活多人故手殺一人以是業緣乃至成佛  
 猶尚身受金鏘之報爾時帝釋天王與三十三天衆  
 疾至佛所頂禮佛足却住一面談摩天王與百萬億  
 談摩天衆疾至佛所頂禮佛足却坐一面刪兜率陀  
 天王與百萬億刪兜率陀天衆疾至佛所頂禮佛足  
 却坐一面化樂天王與百萬億化樂天衆疾至佛所  
 頂禮佛足却坐一面他化自在天王與百萬億他化  
 自在天衆疾至佛所頂禮佛足却坐一面爾時毗摩  
 賢多羅阿脩羅王與百萬億阿脩羅衆疾至佛所頂  
 禮佛足却坐一面爾時娑伽羅龍王與百萬億龍衆

疾至佛所頂禮佛足却坐一面皆於一念一剎那一  
 無虛律多項諸天阿脩羅迦樓羅乾闥婆緊那羅摩  
 眇羅伽等於虛空中遍滿十二由旬皆爲最後見如  
 來故爾時佛告阿難此道場菩提樹最勝殊妙過去  
 諸佛皆於此處證阿耨多羅三藐三菩提未來諸佛  
 亦於此處得阿耨多羅三藐三菩提現在我身又於  
 此處破十八億魔軍得阿耨多羅三藐三菩提如是  
 阿難我今不久當般涅槃復次阿難藍毗尼園最勝  
 最妙是佛如來最後生處復次阿難摩耶夫人是大  
 福德乃能生出人中之寶復次阿難淨飯國王是大

經

佛說法華經卷第十一

生

嘉州

789101112131415161718192012345678930123456789

福德乃作一切諸衆生中最勝寶父復次阿難毗舍  
離城比耆離國最勝最妙王舍大城摩伽陀國最勝  
最妙七庵婆囉樹處亦勝亦妙瞿鳩摩若尼俱陀樹  
處亦勝亦妙裴囉多豆囉多豆囉尼憇處亦勝亦妙  
力士生地乃是過去轉輪聖王解寶天冠在此安置  
辟支佛塔是我焚身最勝妙地復次阿難此間浮提  
最勝好處衆生於中樂貪壽命是故我今於此涅槃  
我於三阿僧祇劫所集之法不久當滅爾時世尊慰  
喻阿難令心歡喜除其愁刺付囑法已告阿難言吾  
今與汝可往諸國阿難唯然受如來教爾時世尊至

波波城所應度者皆悉度訖復往諸國教化無量百  
億那由他衆生皆成就已爾時阿難隨從佛行如是  
次第至摩伽陀國道場菩提之樹世尊繞樹行六帀  
已卽於樹下結跏趺坐佛告阿難如來不久後十五  
日當般涅槃爾時諸天阿脩羅迦樓羅乾闥婆緊那  
羅摩睺羅伽等作如是念如來不久於十五日當般  
涅槃我等皆當最後禮拜佛告阿難莫作是念謂佛  
世尊有貪瞋癡讚歎於此間浮提處而如來者離貪  
瞋癡此三界處是衆生生處於三界中而此欲界是  
諸衆生習三惡業又造入身及與天業色界無色界

業乃至非想非非想業說此語已佛起于座卽時此地六種震動無量百千萬億那由他諸天於虛空中憂愁啼哭作如是言如是衆生中實不久當滅

佛說蓮華面經卷上

佛說蓮華面經卷下

隋三藏法師那連提耶舍譯

爾時世尊離菩提樹毗沙門王共百萬億夜叉之衆同時舉聲悲啼雨淚以手拭淚而說偈言

如來容色甚微妙 超勝衆生無比者

如是莊嚴殊特身 不久之間當滅度

爾時帝釋天王復與百千億三十三天衆同時舉聲悲泣雨淚以手拭淚而說偈言

如來面相正圓滿 形色殊勝於日月

一切人天應供者 我等不復得瞻見

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

爾時須燄摩天王與百萬億須燄摩天衆同時舉聲悲泣雨淚以手拭淚而說偈言

人中精進最雄猛 威力能破諸魔軍

甘蔗種中釋師子 今爲無常所食歟

爾時刪兜率陀天復與百萬億刪兜率陀天衆同時舉聲悲泣雨淚以手拭淚而說偈言

見者無厭如藥王

出世猶如大明燈

如是智眼今滅度

世間當復皆闇冥

是時化樂天王復與百萬億化樂天衆同時舉聲悲泣雨淚以手拭淚而說偈言

安步不動勝師子

面貌圓滿過月形

更不履行於此地

千輻相跡不復見

是時魔王他化自在天主心大歡喜安隱快樂復與百萬億他化自在天衆疾至佛所合掌向佛而說偈言

諸惡衆生已調伏

大麤廣盡無有餘

何故猶住於世間

惟願如來速涅槃

是時大梵天王瞋彼魔王作如是言咄哉魔王大惡衆生諸佛如來是最勝寶汝今云何欲令世尊速入涅槃爾時大梵天王復與百萬億諸梵天衆同時舉

78910111213141516171819201234567893012345678930

聲悲泣雨淚以手拭淚而說偈言

於此現在及未來

梵天世界餘天處

初未曾見如佛身

清淨滿足端嚴面

爾時毗摩質多阿修羅王復與百萬億阿修羅衆同時舉聲悲泣雨淚以手拭淚而說偈言

佛色功德無有量

無有能盡其邊際

利益脩羅及餘趣

今若滅度世間空

是時娑伽羅龍王與百萬億諸龍衆等同時舉聲悲泣雨淚以手拭淚而說偈言

伊羅鉢象數滿千

不比如來一節力

如是大力雄猛者 今爲無常所破壞

是時毗留勒叉天王與百萬億鳩槃茶衆等同時舉聲悲泣雨淚以手拭淚而說偈言

南無大覺妙蓮華

從彼清淨戒池生

示現無常不久相

今當傾墜永寂滅

是時毗留博叉天王與百萬億諸龍衆等同時舉聲悲泣雨淚以手拭淚而說偈言

如來圓形如滿月

光明照曜猶日輪

如是不久住於世

示爲無常所吞食

是時毗沙門天王與百萬億夜叉衆等同時舉聲悲泣

789101234567892012345678930123456

雨淚以手拭淚而說偈言

佛身金色最殊妙

三十二相自莊嚴

不久當爲無常力

破壞清淨大牟尼

爾時提頭賴吒天王與百萬億龍衆同時舉聲悲泣

雨淚以手拭淚而說偈言

如來色身甚希有

於三界中無有比

如是不久當滅度

爲彼無常之所縉

爾時大夜叉將名般脂迦與百萬億夜叉衆等同時舉聲悲泣雨淚以手拭淚而說偈言

佛聲殊勝踰梵天

出過迦陵頻伽聲

如來不久當涅槃

不復更聞甘露法

爾時夜叉大將名般遮羅與百萬億夜叉衆等同時舉聲悲泣雨淚以手拭淚而說偈言

世尊金色光明身

功德莊嚴滿月面

眉間白毫殊特相

我今最後歸命禮

爾時大夜叉將摩尼跋陀羅與百萬億夜叉衆等同時舉聲悲泣雨淚以手拭淚而說偈言

三十有二上妙相

八十種好自莊嚴

當爲無常金剛主

摧碎大聖牟尼尊

爾時大夜叉將富那跋陀與百萬億夜叉衆等同時

舉聲悲泣雨淚以手拭淚而說偈言

過去世中一切佛 及以未來諸世尊

大力釋種師子王 無常師子之所害

爾時大夜叉將摩侯利地迦與百萬億夜叉衆等同時舉聲悲泣雨淚以手拭淚而說偈言

我今最後見牟尼 於是不復更奉觀

最後禮佛千輻輪 丘墟悉平脚足者

爾時大夜叉將佉陀羅迦與百萬億夜叉衆等同時舉聲悲泣雨淚以手拭淚而說偈言

咄哉大惡無常相 破壞一切諸衆生

如是衆生無上寶 亦入寂滅不久住

爾時大夜叉將名金毗羅與百萬億夜叉衆等同時舉聲悲泣雨淚以手拭淚而說偈言

我今歸依禮佛樹 生於持戒大地中

乃爲無常之斧鉞 不久斫倒大牟尼

爾時大夜叉將娑多姑利與百萬億夜叉衆悲泣雨淚以手拭淚而說偈言

眉間白毫相 照曜如月輪 目淨如青蓮

希有不復見

爾時地神天與百萬億夜叉衆悲泣雨淚以手拭淚

789101112131415161718192012345678930123456789

經

聖經卷第廿一章

廿

第五

而說偈言

我今禮雄猛 人中最殊勝 兩足中最上  
南無大牟尼

爾時菩提樹天悲泣雨淚以手拭淚而說偈言  
此處破魔王 及破魔眷屬 大牟尼不久  
無常魔所滅

爾時祇林神悲泣雨淚以手拭淚而說偈言  
祇洹林當空 竹林亦如是 無常坑極深  
如來入不現

爾時金剛密迹與百萬億夜叉衆悲泣雨淚以手拭

淚而說偈言

如是最勝城 亦是大豐地 捈釋迦種姓  
當向何方所

爾時藍毗尼林神悲泣雨淚以手拭淚而說偈言  
淨飯國王先已滅 摩耶夫人亦滅度  
如來今欲入涅槃 如是寂滅不可見

爾時迦毗羅城神疾至佛所悲泣雨淚宛轉在地作  
如是言如來涅槃何期太速世尊涅槃一何疾哉世  
間眼滅而說偈言

藍毗尼園佛生處 長大在於迦毗城

經

聖經卷第廿一章

廿

第五

789101112131415161718192012345678930123456789

經

佛說華嚴經卷第十一

十一

卷九

其光出過於千日 今最後見更不見

爾時菩提樹神與諸天阿脩羅迦樓羅緊那羅摩曇  
羅伽於虛空中出大音聲悲啼號哭而作是言佛是  
衆生最勝之寶不久當沒爾時世尊出於梵音而告  
諸天阿脩羅迦樓羅乾闥婆摩睺羅伽衆言汝等莫  
啼莫作異語莫生憂惱以手椎眉令心迷悶何有世  
間而受生者因緣和合有爲之法而得久住若欲強  
令無常之法不滅壞者無有是處爾時世尊示教利  
喜諸天阿脩羅迦樓羅乾闥婆摩睺羅伽等生歡喜  
已是時諸天乃至摩睺羅伽等右繞世尊還向本處

佛告阿難我昔於彼阿波羅龍王處記罽賓國我涅  
槃後其國熾盛安隱豐樂如鬱怛羅越佛法熾盛多  
有羅漢而住彼國亦有無量如來弟子此閻浮提所  
有羅漢皆往彼國猶如兜率天處如來所有名身句  
身謂

修多羅 祇夜 輯迦曷羅那 伽他 優陀那

尼陀那 阿波陀那 伊帝鼻利多劍 伽闍多迦

裴富略 阿浮陀達摩 優波提舍

彼諸羅漢結集如來十二部經廣造諸論彼罽賓國  
猶如帝釋歡喜之園亦如阿耨清涼之池復有頗羅

墮逝賓頭樓等皆樂住彼罽賓國土不退佛乘阿羅  
漢等亦住彼國復有因陀羅摩那阿羅漢白項阿羅  
漢等復於如來所說法藏有漏無漏之法皆悉撰集  
廣行流布阿難我涅槃已最後法身彼等建立於未  
來世復有金毗羅等五諸天子生罽賓國廣令我法  
流布於世大設供養我諸弟子於閻浮提初未曾有  
如是大會佛告阿難於未來世罽賓國土當作如是  
大法之會阿難彼五天子滅度之後有富蘭那外道  
弟子名蓮華面聰明智慧善解天文二十八宿五星  
諸度身如金色此大癡人已曾供養四阿羅漢當供  
養時作如是誓願我未來破壞佛法以其供養阿羅  
漢故世世受於端正之身於最後身生國王家身爲  
國王名寐哎曷羅俱邏而滅我法此大癡人破碎我  
盜既破盜已生於阿鼻大地獄中此大癡人命終之  
後有七天子次第捨身生罽賓國復更建立如來正  
法大設供養阿難以破盜故我諸弟子漸汙淨戒盜  
初破時諸比丘等雖汙清淨戒智如牛王能破外道  
經第二時此閻浮提諸比丘等破清淨戒樂作不善  
身行偷盜耕田墾植多貪貯畜好衣好盜不樂讀誦  
修多羅毗尼阿毗曇如是阿難樂讀樂誦智慧之人

789101112131415161718192012345678930123456789

悉皆滅度是時多有諸比丘等詭曲嫉妬多起非法  
以諸比丘不如法故諸國王等不依王法以王不如  
王法治故其國人民多行增上十不善業以惡業故  
此地多生荆棘毒草土沙礫石阿難當於爾時此閻  
浮提五種精味失力失味所謂酥油鹽石蜜蜜如是  
五種失力味故爾時衆生復更多行增上惡業以其  
多行惡不善故佛破碎盃當至北方爾時北方諸衆  
生等見佛破碎盃大設供養以種種華燒香塗香燈明  
華鬘種種音樂供養此盃有發阿耨多羅三藐三菩  
提心者有發聲聞心者有發辟支佛心者彼破碎盃

當向波羅益多國彼國人民見佛碎盃以種種華燒  
香末香塗香燈明華鬘種種音樂供養此盃有發阿  
耨多羅三藐三菩提心者有發聲聞心者有發辟支  
佛心者阿難此佛碎盃以佛力故亦是衆生善根感  
故我此碎盃自然還復如本不異於後不久我盃即  
於閻浮提沒現於娑伽龍王宮中當沒之時此閻浮  
提七日七夜皆大黑闇日月威光悉不復現地大震  
動惡雷掣電於虛空中而出惡聲黑風卒起極大怖  
畏天人阿修羅迦樓羅乾闥婆摩睺羅伽等皆大號  
哭淚下如雨如是阿難此盃當爾初沒之時如來法

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

律亦沒不現爾時魔王見法律滅心大歡喜心大安  
隱於虛空中作如是言瞿曇法滅我當教化諸衆生  
等自作諸惡亦教化作以魔教故城邑聚落遞相殺  
害爾時魔王以教衆生廣作惡故生身陷入阿鼻地  
獄爾時娑伽羅龍王見佛盃已以種種寶因陀尼羅  
寶摩訶尼羅寶火珠寶清水寶如是大寶大設供養  
至于七日禮拜右繞是諸龍等有發無上菩提心者  
有發聲聞心者有發辟支佛心者爾時娑伽羅龍王  
以手捧盃而說偈言

諸相莊嚴手 受種種味食 盛置於此盃

如是持用食

佛告阿難如是我盃於娑伽羅龍王宮沒於四天王  
宮出爾時四天王毗留勒又毗留博叉毗沙門提頭  
賴吒七日七夜大設供養以種種華種種蔓種種  
塗香種種燒香種種燈明種種音樂供養禮拜已時  
諸天衆有發無上菩提心者有發聲聞心者有發辟  
支佛心者爾時毗留勒鳩槃茶王以手捧盃而說偈  
言

如來最後食 在於鐵師家 盞爲化衆生  
而來於此處

7891011234567892012345678930123456

經

佛說法華經卷第

五

景九

佛告阿難如是我盃過七日已於四天宮沒三十三天宮出爾時佛母摩耶夫人見佛盃已憂愁苦惱如箭入心難可堪忍宛轉于地猶如圓木作如是言如來涅槃一何疾哉修伽陀滅何其太速世間眼滅佛樹傾倒佛須彌山崩佛燈亦滅法泉枯竭無常魔日萎佛蓮華爾時佛母摩耶夫人以手捧盃告於一切諸天阿修羅迦樓羅乾闥婆緊那羅摩睺羅伽等言諸天諦聽此是釋迦如來常受用盃第一勇猛面貌圓滿過日月者影現此盃復次諸天如是之盃復於王舍大城之中受於尸利掘多毒食諸天諦聽釋迦

牟尼大雄猛者滿腹城內修摩伽陀家用此盃食諸天諦聽如來爲化憂樓毗羸迦葉及大毒龍以彼惡龍內此盃中諸天諦聽以業緣故於裴連多國四月之中復以此盃受馬麥食天衆諦聽釋迦如來以大悲故復以此盃受於最下極貧者食諸天諦聽釋迦如來復以此盃於娑伽羅龍王宮內受種種食諸天諦聽釋迦如來於夏四月復以此盃受我等食諸天諦聽釋迦如來復以此盃覆於訶利鬼母最小之子名必利鹽迦羅夜又以其惡心常食人血故調伏之于時佛母摩耶夫人以手捧盃而說偈言

經

佛說法華經卷第

五

景九

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

隨佛心欲受 皆入於盃中 佛於我腹內

滿足於十月

爾時帝釋天王七日七夜以種種天華天香天栴檀  
香大設供養禮拜右繞作是供已時諸天衆有發無  
上菩提心者有發聲聞心者有發辟支佛心者爾時  
天王以手捧盃而說偈言

今此殊勝盃 能長衆生智 佛身亦如是

成就諸功德

佛告阿難如是我盃過七日已於三十三天中沒談  
摩天中出爾時談摩天主見佛盃已七日七夜種種

供養以天曼陀華天栴檀香種種華種種音樂供養  
佛盃禮拜右繞是時諸天有發無上菩提心者有發  
聲聞心者有發辟支佛心者爾時談摩天主以手捧  
盃而說偈言

千萬億衆生 見盃皆歡喜 能生勝妙果

牟尼使來此

佛告阿難如是我盃過七日已於談摩天沒兜率陀  
天出爾時兜率陀天王見佛盃已七日七夜以天曼  
陀華摩訶曼陀華及餘種種妙華種種香種種音樂  
大設供養禮拜右繞以手捧盃而說偈言

7891011121314151617181920212223242526272829201234567893012345678931

上中下衆生 佛起慈悲心 此盃受食已

佛使至於此

佛告阿難如是我盃過七日已於兜率天沒化樂天出爾時化樂天王見佛盃已七日七夜以種種天華種種天香種種天音樂大設供養禮拜右繞是時天衆有發無上大菩提心者有發聲聞心者有發辟支佛心者爾時天王以手捧盃而說偈言

希有大導師 悲愍於衆生 爲利衆生故

使盃來於此

佛告阿難時諸天阿脩羅迦樓羅乾闥婆緊那羅摩

睺羅伽以天曼陀華摩訶曼陀華及餘種種華種種  
香天栴檀香末香供養盃已卽以此盃送至娑伽羅  
龍王宮中佛言阿難此閻浮提及餘十方所有佛盃  
及佛舍利皆在娑伽羅龍王宮中佛告阿難如是我  
盃及我舍利於未來世於此地沒直過八萬由旬住  
金剛際阿難我今語汝未來之世諸衆生等壽命八  
萬四千歲時彌勒如來應供正遍知三十二相八十  
種好身紫金色圓光一尋其聲猶如大梵天鼓迦陵  
伽音爾時我盃及我舍利從金剛際出至閻浮提彌  
勒佛所盃及舍利住虛空中放五色光所謂青黃赤

白玻瓈雜色如是阿難彼五色光復至其餘一切天處到彼天已於其光中出聲說偈言

一切行無常 一切法無我 及寂滅涅槃

此三是法印

其光復至一切地獄而說偈言

一切行無常 一切法無我 及寂滅涅槃

此三是法印

佛告阿難佛盃舍利所放光明復更至於十方世界於其光中而說偈言

一切行無常 一切法無我 及寂滅涅槃

此三是法印

佛告阿難如是我盃及我舍利所放光明十方世界作佛事已還至本處在於舍利佛盃之上於虛空中成大光明雲蓋而住阿難舍利及盃現大希有如是等事現此神通希有事時八十百億衆生得阿羅漢果千億衆生剃髮出家信心清淨一萬衆生發阿耨多羅三藐三菩提心皆不退轉阿難此盃舍利廣行教化諸衆生已於彌勒前虛空中住爾時彌勒佛以手捧盃及佛舍利告諸天人阿脩羅迦樓羅乾闥婆緊那羅摩睺羅伽言汝等當知此盃舍利乃是釋迦

7 8 9 10 11 12 13 14 15 16 17 18 19 20 1 2 3 4 5 6 7 8 9 30

經

佛說迦葉經卷一

三

卷一

牟尼如來雄猛大士信戒多聞精進定智之所熏修汝等當知釋迦牟尼雄猛大士能令無量百千那由他億諸衆生等住涅槃城出過優曇雲鉢華百千億倍益及舍利故來至此爾時彌勒三藐三佛陀爲我此益及我舍利起四寶塔以舍利益置此塔中爾時彌勒佛及諸天人阿脩羅迦樓羅乾闥婆緊那羅摩睺羅伽等大設供養恭敬禮拜益舍利塔佛告阿難如來應供正遍知舍利及鉢有大威德阿難汝以給侍如來生身所生功德無量無邊不可思議阿僧祇爾時佛爲阿難說未來事已復告阿難吾當與汝往諸

國土如來不久却後七日當入涅槃阿難白佛言唯然受教爾時佛與阿難次第至諸國土城邑慶脫無量百千萬億那由他諸衆生已往鐵師子純陀之家此是如來最後食處爾時世尊受其食已而說偈言  
我今最後食 在於純陀家 如是五衆身

不久當滅度

爾時佛與阿難至拘尸那城種種方便教化拘尸那力士已從拘尸那城出至憂波跋多那娑羅雙樹間爾時世尊北首而臥時須跋陀羅來至佛所頂禮如來向佛而坐佛爲說法得阿羅漢果

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

# 佛說蓮華面經卷下

音釋

綫私箭切

與線同隙乞逆切

杖無粉切

時制切

噬時制切

房益切倒

也

穿穿昌緣切

鑽也

禪駢迷切

七羊切

鏘與鎗同

羅魯何

切

憇去制古法切

繫也

墟丘居切

大丘也

鉞王伐切

巨乙

姑切

罽賓梵語也此云賤

種罽居制切

哎切

海虞庵羅院弟子海壽海智海信喜捨刻此佛說蓮華面經計字一萬零四百二十個該銀五兩二錢一分

誓願兄弟三人生生世世在在處處常爲般若看屬相與究竟此一大事同修同證直取無上菩提成等正覺廣度衆生以報

佛恩雲間比丘解白對崇禎元年季冬化城寺識

佛言上輩優婆塞優婆夷受持五戒不犯如毛髮者受內著心中阿難言諾受教

佛說三品弟子經

一名弟子  
學有三輩

吳月支優婆塞支謙譯

聞如是一時佛在舍衛國祇樹給孤獨園與比丘二百五十人共會說經賢者阿難從座起白佛言願欲有所問惟天中天解說欲決狐疑

佛言善哉恣汝所問多陀竭當爲汝解說之阿難問佛言優婆塞學道有上中下輩願佛解之佛語阿難汝乃爲當來後世發此問如來當爲汝說之諦聽諦

佛言上輩優婆塞優婆夷受持五戒不犯如毛髮者受內著心中阿難言諾受教

7 8 9 10 11 12 13 14 15 16 17 18 19 20 1 2 3 4 5 6 7 8 9 30

若行敎授開解人者皆令發菩薩心何謂菩薩心者  
念十方人如視赤子度人入道作摩訶衍行具足敎  
授無所希望不求供養衣被飯食珍寶錢財之物不  
爲小道以度人爲本何謂小道佛言以入大法作摩  
訶衍行求須陀洹斯陀含阿那含阿羅漢辟支佛是  
爲小道非菩薩法菩薩法者敎授一切方便人般若  
波羅蜜解洹和拘舍羅得薩雲若慧當知是人作行  
來久是過去佛時人供養師父如佛無異如是行者  
爲上優婆塞優婆夷也

中輩優婆塞優婆夷者亦受五戒不犯如毛髮者亦

是過去佛時人本學道不值明師不聞般若波羅蜜  
不曉洹和拘舍羅但行一波羅蜜布施持戒忍辱精  
進一心不於經法中見慧逮前功德得入人道頗有  
宿識得生法門守戒完具視於師父如佛無異終不  
犯戒如是行者爲是中輩優婆塞優婆夷

下輩優婆塞優婆夷者雖受五戒悉還犯之若見明  
師曉法賢者便從受問法要當時歡喜向其悔過罪  
更精進五戒尤無反復懷協欲想不復持佛戒自貢  
高還自憎明師賢者謗說長短我更見明師戒深慧  
當護方便不知是師但食供養反信受其言不精經

789101234567892012345678930123456

戒是優婆塞優婆夷爲擔死人種不當與共會同坐起壞人好心行開化人民受其法戒希望供養欲得錢財穀帛給活妻子假佛威神心不念十方五道中人敬令度脫反爲受者作想不語摩訶衍慧是爲不精佛正真之法語受經人言當避世間人因緣多少飲酒佛有百味之食不斷人酒家不持戒者若僮客奴婢請使他人手殺生耳趣手莫爲非佛弟子復限佛功德何等爲限佛功德佛言旣行開授人民不欲令四輩聞知

阿難長跪問佛何爲不欲令四輩聞知是優婆塞優

婆夷愚心不解自謂爲黠實不曉了經中深要之慧不恥不知反爲新學賢者作限礙不欲令見明解好師所以者何欲得獨供養反蔽障大道是優婆塞優婆夷雖爲度人不見般若波羅蜜不解漚想拘舍羅是爲盲冥專行小道滅教人作福無四等心施不普及請彼置此道法不使

爾時四天王太子使者護佛道神一一記之稍稍去離之勅伺命計集積累其罪修疏戒名錄白上帝年壽未盡頓遣惡神因其犯戒之間奪其餘命自然墮落泥犁中當更十八獄罪至天地燒乃出或墮一禽

78910111213141516171819201234567893012345678930

獸中或入人道若在人道者當在愚癡不見法家生  
佛言阿難道宜數數聚會講說法義不可不彰愚人  
道當得斷法滅佛教罪諸弟子聞佛說經莫不戰慄  
皆正心受教爲佛作禮

### 佛說三品弟子經

泰和信宣蕭士瑋捐俸刻

佛說三品弟子經全卷

東塔寺釋道源

東湖信士毛晉

同對

崇禎壬午仲夏虞山華嚴閣識

經一卷  
共字一千一百三

十四箇

計寫銀四分五厘

計刻銀三錢九分

七厘

共板二塊

江寧黃銘書

句容潘守誠刻

### 佛說四輩經

一名四輩學經

西晉三藏法師竺法護譯

聞如是一時佛在舍衛國祇樹給孤獨園爾時諸四  
輩弟子天帝龍鬼神質諒神皆詣祇樹稽首佛足却  
就常位坐

佛告諸弟子吾今所出法經所可教戒皆自各守其  
意念末世毒然之時四輩弟子若出家若居家修道  
皆狂醉衆色不復承用佛經法專愚自用便使吾道  
薄淡令世人謗訕吾道信是弟子傲慢所致鷺鷥子  
正衣服又手一心聽佛說四輩經如是

10 11 12 13 14 15 16 17 18 19 20 21 22 23 24 25 26 27 28 29 30

佛言若末世男子能出家除剃頭髮爲道者第一去離愛欲志存大乘常當慈悲喜護爲主去想行普念一切蜎飛蟻動之類視之如身無異不得妄起恚怒深入明度常以明度權便誘致朦冥使人無極以戒德除心穢病不得爲世間之業能行此者便可出家名曰道士不可依恃吾法自以出家爲信不專念道或能有下賤之人倚道自活無益一切而但出意說爲人師主輕薄戲調不自檢察使尊法薄淡世人不信非吾出家弟子之法也

佛言若有女人出家除髮爲道以去愛欲當專精靜

處不得與出家男女同廟止若行師受當有等類不得獨往稟受常當晚出早還不得妄出廟宿止但得教授女人不得教授男子所著衣服不得刻繒帛綵色苾芬不得輕言戲語不得貪財寶物戒行清淨名曰出家道人若輕言戲誕未語預笑心志不定意行穢濁惡口罵詈輕言不節不能靜處嬌慢自大不自檢勅者雖復出家故是賤人非出家弟子也

佛言若有男子心志繫道不能出家者在於愛欲之中當受持五戒月六齋第一孝順父母治家養子朝暮燒香然燈稽首三尊悔過十方恭敬四輩不得慢

789101234567892012345678930123456

經

佛說正法經

五

景

經自大去離慳貪常以至誠不得欺殆世人不得與  
世間人妻婦坐起同席住行相隨同室異牀除去四  
事以四等心普視一切老者若父若母少者若弟若  
子恒以明度法藥洗除衆病不得妄瞋恚罵詈常以  
無極方便誘解世人使入大乘不得爲新學者說深  
經奧妙之義當爲除想識無罣礙者不得綺飾衣服  
不得與世間妻女戲誕言語往來報答以致因緣如  
是者爲清淨道人若行不清淨貪利財色或於世俗  
綺飾衣服互相翹舉但結非惡昬昧所欲輕言戲誕  
未語預笑託已同法口說妙言外似清虛內懷貪惑  
學弟子也

心存財帛以自供給活於妻子慢佛尊經不復修學  
反習外道之術世藥解奏符呪厭說療治衆病因緣  
外道解奏之術或於財帛約束上下貳意欲得因解  
奏之術不持吾法當來者却皆由斯輩是故非吾法  
學弟子也

佛言若有女人不能出家在於愛欲之中心樂道者  
當持五戒月六齋孝順父母姑嫜叔妹夫婿不得撻  
罵兒子婢使不得輕行來宿止他家不得與世間男  
子語言調弄戲笑不得妄瞋恚罵詈惡口不得證說  
他人惡不得陷人兒子妻妾奴婢過惡恒當專精念

7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

續  
佛說四輩經

道爲上首不得與世間凡人說法顏貌不得與人男子相授不得教他人男子不得說世間吉凶善惡災變之相不得橋慢自大晝夜三時燒香稽首三尊悔過十方稟受經行言數自勸不得希望供養貪利財帛不得嫉妒夫主當自賤女人身願爲男子轉身受福可得上天宮觀自然是清信女人學道之法若不孝順嬌慢姑婢嫉妒夫主撻罵奴婢造惡自是怨恨恚怒毒意向人行者如是是爲非法學女人弟子也佛告諸弟子清慎汝心守護身口恒以四等濟於衆生以道寶之慧恩施一切如佛教誠必得度世弟子

諸來會者聞佛說經歡喜奉行作禮而去  
佛說四輩經

嘗熟信士毛鳳苞捐資刻

經一卷  
共字一千二百七  
十九箇  
計寫銀伍分

計刻銀四錢四分

東塔寺釋道源

八厘  
共板二塊  
江寧黃銘書  
容潘守誠刻  
工價銀八分

崇禎壬午仲夏虞山華嚴閣識

10 9 8 7 6 5 4 3 2 1

20

1

2

3

4

5

6

7

8

9

30

1

2

3

4

5

6

7

8

9

10

經

佛說當來變經

佛說當來變經

西晉三藏法師竺法護譯

聞如是一時佛在舍衛國祇樹給孤獨園與大比丘衆俱比丘五百及諸菩薩

爾時世尊告諸比丘將來之世當有比丘因有一法不從法化令法毀滅不得長益何謂爲一不護禁戒不能守心不修智慧放逸其意唯求善名不順道教不肯勤慕度世之業是爲一事令法毀滅  
佛告比丘復有二事令法毀滅何謂爲二一不護禁戒不攝其心不修智慧畜妻養子放心恣意賈作治

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

產以相供活二件黨相著憎奉法者欲令陷墮故爲言議謂之諛諂內私犯惡外揚清白是爲二事令法毀滅

佛告比丘復有三事令法毀滅何謂爲三一既不護戒不能攝心不修經義二自讀文字不諦句逗以上著下以下著上頭尾顛倒不能解了義之所歸自以爲是三明者呵之不從其教反懷瞋恨謂相嫉妒識義者少多不別理咸自爲是是爲三事令法毀滅  
佛告比丘復有四事令法毀滅何謂爲四一將來比丘已捨家在空閑處不修道業二喜遊人間憒鬧之辭多言合偶以動人心使清變濁身行荒亂正法廢遲是爲四事令法毀滅

中行來比丘談言求好袈裟五色之服三高望遠視以爲綺飾自以高德無能及者以雜碎之智比日月之明畜已四不攝三事不護根門行婦女間宣文飾辭多言合偶以動人心使清變濁身行荒亂正法廢遲是爲四事令法毀滅

佛告比丘復有五事令法毀滅何謂爲五或有比丘本以法故出家修道廢深經敎十二因緣三十七品方等深妙玄虛之慧智度無極善權方便空無相願至化之節二反習雜句淺末小經世俗行故三者經典亂道之原好講此業易解世事趣得人心令其歡

悅因致名聞四新聞法人淺解之士意用妙快深達之人不用爲佳天龍鬼神不以爲喜心懷悒感口能發言大法欲滅故使其然捨妙化法反宣雜句諸天流淚速逝而去五由說是正法稍稍見捨無精修者是爲五事令法毀滅

佛告比丘吾滅度後有此邪事十四之亂令法毀滅一何痛哉若有比丘欲諦學道棄捐綺飾不求名聞質科守真宣傳正經佛之雅典深法之辭不用多言案其本經不捨正句希言屢中不失佛意麤衣趣食得美不甘得麤不惡衣食好醜隨施者意不以瞋喜

護身口意守諸根門不違佛教壽命甚短恍惚已過如夢所見覺不知處三塗之難不可稱計勤修佛法猶救頭然五戒十善六度無極四等四恩智慧善權咸可修行雖復後生不值佛世出家爲道學不唐捐平其本心愍哀一切十方蒙恩佛說如是諸比丘悲喜前自歸佛作禮而去

佛說當來變經

78910  
11234567892012345678930123456

泰和信官蕭士瑋捐俸刻

經一卷  
共字九百五十九  
箇  
計寫銀三分八厘  
共板二塊  
計銀三錢三分五厘

當來變經全卷

東塔寺釋道源

東湖信士毛晉同對

崇禎壬午仲夏虞山華嚴閣識

長洲李如科  
江寧黃銘書  
句容潘守誠同刻

過去佛分衛經

西晉三藏法師竺法護譯

佛言過去世有佛入城分衛與尊弟子諸菩薩俱弟子菩薩姿容相好皆悉端正如本所行各得其道有一母人妊娠數月見佛及僧有所至湊心自計願我所懷子生如此使爲沙門佛弟子日月滿足卽生安隱兒亦姝好與衆人異母以恩愛無厭令兒行作沙門中有覺意卽自念言我前有願若我生子當使爲道兒今已生有異凡人令我安隱復無惡露不可戀忤恩愛之故違我本心子年七歲家復貧狹卽作二

78910123456789201234567893012345678945

經

迦力陀多羅經

十一

景十

人飯具及三法衣手持澡瓶自將其子行詣佛所稽首佛足前白佛言願哀我子使爲沙門令後得道身形如佛佛卽聽之令作沙門母以澡罐前洗兒手應時九龍從瓶口出吐水灌兒手中澡訖殘水散兒頭上水之潺滴於兒頭上化成華蓋珠交絡帳中有師子座上有坐佛佛笑口中五色光出照十億佛刹還遶佛身從兒頂入母以飯具前上佛并食其子子便發無上平等道意應時十億佛刹爲六返震動衆刹諸佛皆自然現佛以母飯飽爾所佛及諸比丘僧皆等飽足其飯如故亦不損減母卽歡喜及無數天人

皆得阿惟越致時兒髮墮成爲沙門卽亦得立不退轉地母前白佛今我所見有三可怪我澡兒手九龍吐水此一可怪澡已殘水散兒頭上化成寶帳及師子座上有坐佛是二可怪佛笑口中光從兒頂入是三可怪願佛爲我分別說之佛言此兒却後十四劫當得作佛九龍當浴師子座華蓋寶帳佛笑光從兒頂入皆是其應母聞佛言倍懷踊躍後當得作母人轉輪聖王積七百世竟其劫壽盡轉母人身當得阿惟越致佛言是時小兒我身是我今於世功德如是諸天龍神一切人民聞佛所說皆得阿惟越致

經

迦力陀多羅經

十一

景十

10 11 12 13 14 15 16 17 18 19 20 21 22 23 24 25 26 27 28 29 30

經

通志卷之三

十一

景

無熱佛

性空佛

天王佛

金仁佛

過去佛分衛經

音釋

妊壬

又震

娠又平

又憚

勞

又憚申綻

平

佛說法滅盡經

僧祐錄失譯人今附劉宋錄

聞如是一時佛在拘夷那竭國如來三月當般涅槃與諸比丘及諸菩薩無央數衆來詣佛所稽首于地眷屬圍遶渴仰聞法世尊寂靜默無所說光明不現賢者阿難作禮白佛言世尊前後說法威光獨顯今大眾會光更不現何故如此必有緣故願聞其意佛默不應如是至三

佛告阿難吾涅槃後法欲滅時五逆濁世魔道興盛魔作沙門壞亂吾道著俗衣裳樂好袈裟五色之服

789 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

飲酒啖肉殺生貪味無有慈心更相憎嫉時有菩薩  
辟支羅漢精進修德一切敬待人所宗向教化平等  
憐貧念老教育窮厄恒以經像令人奉事作諸功德  
志性思善不侵害人捐身濟物不自惜已忍辱仁和  
設有是人衆魔比丘咸共嫉之誹謗揚惡擯黜驅遣  
不令得住自共於後不修道德寺廟空荒無復修理  
轉就毀壞但貪財物積聚不散不作福德販賣奴婢  
耕田種植焚燒山林傷害衆生無有慈心奴爲比丘  
婢爲比丘尼無有道德淫泆濁亂男女不別令道薄  
淡皆由斯輩或避縣官依倚吾道求作沙門不修戒  
律月半月盡雖名誦戒厭倦懈怠不欲聽聞抄略前  
後不肯盡說經不誦習設有讀者不識字句爲強言  
是不詰明者貢高求名虛顯雅步以爲榮冀望人供  
養衆魔比丘命終之後精神當墮無擇地獄五逆罪  
中餓鬼畜生靡不經歷恒河沙劫罪竟乃出生在邊  
國無三寶處法欲滅時女人精進恒作福德男子懈  
慢不用法語眼見沙門如視糞土無有信心法將殄  
沒登爾之時諸天泣淚水旱不調五穀不熟疫氣流  
行死亡者衆人民勤苦縣官剋罰不順道理皆思樂  
亂惡人轉多如海中沙善者甚少若一若二劫欲盡

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

處日月轉促人命轉短四十頭白男子淫泆精盡天  
命或壽六十男子壽短女人壽長七十九十或至百  
歲大水忽起卒至無期世人不信故爲有常衆生雜  
類無有豪賤沒溺流飄魚鰐食噉時有菩薩辟支羅  
漢衆魔驅逐不與衆會三乘入山福德之地恬怡自  
守以爲欣快壽命延長諸王衛護月光出世得相遭  
值共興吾道五十二歲首楞嚴經般舟三昧先化滅  
去十二部經尋後化滅聖王去後沙門袈裟自然變  
白吾法滅時譬如油燈臨欲滅時光更明盛吾法滅  
時亦如燈滅自此之後難可數說如是之後數千萬

歲彌勒當下世間作佛天下泰平毒氣消除雨潤和  
適五穀滋茂樹木長大人長八丈皆壽八萬四千歲  
衆生得度不可稱計賢者阿難作禮白佛當何名斯  
經佛言阿難此經名爲法滅盡宣告一切宜令分別  
功德無量不可稱計四部弟子聞經悲慘惆悵皆發  
無上聖真道意悉爲佛作禮而去  
佛說法滅盡經

10 11 12 13 14 15 16 17 18 19 20 21 22 23 24 25

泰和信官蕭士瑋捐俸刻

佛說法滅盡經全卷

東塔寺釋道源

東湖信士毛晉同對

崇禎壬午仲夏虞山華嚴閣識

經一卷  
共字一千零七箇  
計寫銀四分

二厘  
共板二塊  
計工價銀八分

江寧黃銘書  
長洲李如科  
句容潘守誠同刻

佛說甚深大迴向經

劉宋失譯師名出祐公錄

如是我聞一時佛在舍衛國祇樹給孤獨園與大比丘衆八千人俱

爾時世尊與諸大眾前後圍遶而爲說法於是會中有一菩薩號曰明天卽從座起偏袒右肩右膝著地恭敬合掌前白佛言世尊欲有所問惟願世尊分別解說

爾時佛告明天菩薩摩訶薩善男子欲有所問莫得疑難如來當爲隨問解說明天菩薩卽白佛言云何

78910123456789201234567893012345

菩薩少修善本而獲大果成多作功德福報無量  
佛告明天菩薩摩訶薩善哉善哉明天能於佛前問  
如是義汝已曾於過去無量諸佛所植衆德本供養  
諸佛親近善知識能爲樂福衆生發甚深問諦聽諦  
聽善思念之明天菩薩白佛言世尊唯然受教

佛告明天諸菩薩摩訶薩當於過去當來今現在諸  
佛所修慈身行修慈口行修慈心行專心念佛所行  
功德

復次明天菩薩摩訶薩當應往詣如來尊廟禮拜供  
養右膝著地合掌右遶散華燒香懸繒幡蓋作衆妓

樂尊重恭敬以微妙音歌甚深句義讚佛功德隨喜  
歡善

佛告明天云何菩薩摩訶薩於過去當來今現在諸  
佛所修慈身行修慈口行修慈心行念佛功德善男  
子菩薩摩訶薩當念如來堅固士無上士最勝士爲  
師子王勇猛無畏自度度彼自安安彼自滅滅彼說  
真諦法安立衆生心無諂飾淨戒具足力無畏辯永  
除障習於法自在無與等者如是專心念佛功德已  
右膝著地散華燒香旛幢蓋妓樂供養是爲菩薩  
修慈身行以微妙音歌甚深句義讚歎如來無量功

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

德是爲菩薩修慈口行因彼身口善根念佛功德至誠恭敬是爲菩薩修慈心行明天是則菩薩摩訶薩於過去當來今現在諸佛所修慈身口意習行正念佛復告明天又菩薩摩訶薩於過去當來今現在諸衆生所亦應修慈身行修慈口行修慈意行等念衆生明天云何菩薩摩訶薩於三世衆生所應修慈身口意行等念衆生如是明天菩薩摩訶薩不殺衆生不盜他財不邪淫不妄語不綺語不兩舌不惡口不貪欲不瞋恚不邪見云何菩薩不殺衆生於一切衆生慈悲愛念慚愧愍傷永捨刀杖不偷盜者若於聚

落空處所有遺物不與不取不邪淫者若女有主父母兄弟宗親所護乃至見彼授華一莖不起欲想不妄語者若於鄉邑若在王者堪爲證佐眞誠實語守死不虛不兩舌者常於彼此起和合想從彼所聞不向此說從此所聞不向彼說不惡口者輒語開喻先意問訊終不以苦切惡言加於衆生不綺語者時說實說知義而說爲利益彼說心口無差不貪著於他財利不起欲想見來取者心無憚惜不瞋恚者於一切衆生除諸恚恨起慈愍心饒益心安彼心隨順善攝一切衆生不邪見者有施有濟有說有父母有今

78910111213141516171819201121314151617181920

世後世有苦樂行果報世間有阿羅漢自知身作證  
我生已盡梵行已成所作已辦自知不受後有明天  
當知彼不殺不盜不邪淫則是菩薩修慈身行不妄  
語兩舌惡口不綺語則是菩薩修慈口行不貪不恚  
不邪見則是菩薩修慈意行修慈身口意則是菩薩  
等念衆生

佛告明天菩薩摩訶薩於過去當來今現在諸佛所  
修慈身行修慈口行修慈意行及於過去當來今現  
在一切衆生所修慈身行修慈口行修慈意行所有  
功德果報悉與一切衆生共迴向阿耨多羅三藐三

菩提明天菩薩作如是迴向者是爲菩薩少修善本  
獲大果報多作功德福報無量佛告明天是菩薩成  
就無量功德時持是功德迴向無量智慧又共一切  
衆生盡迴向阿耨多羅三藐三菩提是功德三種有  
三種迴向何等爲三謂過去空當來空現在空無有  
迴向者亦無迴向法亦無迴向處菩薩摩訶薩當作  
是迴向作是迴向時三處皆清淨以此清淨功德與  
一切衆生共迴向阿耨多羅三藐三菩提作是迴向  
者無有凡夫及凡夫法亦無信行亦無法行亦無八  
人亦無須陀洹向須陀洹亦無斯陀含向斯陀含亦

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

無阿那舍向阿那舍亦無阿羅漢向阿羅漢亦無辟支佛向辟支佛亦無有佛及向佛者何以故法性無緣不生不滅無所住故是故菩薩摩訶薩應以是三種迴向三種清淨功德與一切衆生共迴向阿耨多羅三藐三菩提是菩薩作是迴向已又復願言若我生處常遇諸佛逮甚深三昧見無量佛成就多聞清淨智慧弘誓不捨一切衆生說是法時百千天人皆願欲往生阿閦佛國

爾時佛告尊者阿難我向說此甚深法時百千天人皆願往生阿閦佛國阿難當知彼於此終皆當往生

阿閦佛所妙樂國土從一佛國至一佛國供養諸佛聽受正法得陀羅尼如說修行皆當成就不思議慧於五濁國當得作佛皆同一號號甘露音王如來應供等正覺當知彼天受記前時百千衆生皆發阿耨多羅三藐三菩提心爾時釋提桓因白佛言世尊如我解佛所說義當知此爲大功德趣爲無量功德爲無邊功德

佛言憍尸迦是法畢竟淨故世尊當何名此經云何奉持之

佛告釋提桓因憍尸迦是經名大迴向亦名甚深法

性迴向當奉持之

佛告憍尸迦若有善男子善女人學是迴向者當知是人必逮得無所從生法忍能度未度者安樂百千無量衆生說是法時諸比丘衆釋梵天人阿修羅等聞佛所說歡喜奉行

佛說甚深大迴向經

泰和信官蕭士達捐俸刻

經一卷

共字一千八百八  
十一箇

計寫銀七分五厘

八厘

計刻銀六錢五分

三塊

共板銀一錢二分

江寧黃銘書

長洲李如科刻

佛說甚深大迴向經全卷

東塔寺釋道源

同對

東湖信士毛晉

崇禎壬午仲夏虞山華嚴閣識

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

天王太子辟羅經

安公關中異經今附秦錄

聞如是一時佛在舍衛國祇樹給孤獨園天王太子名曰辟羅飛從天來下至佛所五體投地稽首足下却又手住問佛言普世之人皆求衣食七寶諸樂官爵國土寧有實行求人不乎世尊歎曰大哉問也亦有國土珍寶諸欲行求索人辟羅又曰可意之願行人者其義云何世尊卽曰凡有二行行善有福行惡有殃殃福追人猶影隨形辟羅言善哉善哉實如佛教惟我前世處世爲王念命無常意欲報施羣臣

7891011121314151617181920112131415161718193011213141516171819

經

卷之三

十一

長

普會王曰吾欲作大鼓令其音震聞百里能有爲之者乎衆臣僉曰臣等無能爲者有一臣名曰匡上常忠於上慈濟國民前對曰臣能爲之當須資費王曰大善卽開藏付之因輦寶於王宮門鳴鼓令之今天仁之王施蓋慈欲濟黎民之窮乏供道士之衣食若有乏者悉詣宮門四國乏者襁負相扶填國塞路仰天歎曰天民窮者今得活哉一歲之後王有詔曰鼓成未乎對曰已成王言何故不聞其聲臣白言願明王勞屈聖體出臨國內聽佛法鼓聲震十方王卽嚴駕出行國中其民比肩王曰民多乎對曰王前勑臣

令作大鼓使聞百里欲以揚德聲于四遠臣念枯木死皮不能揚王之德譽臣所受寶供沙門梵志之衣食以濟國民之窮乏也布告之來四鄰歸潤猶飢子之慕慈母王問民曰爾從來乎民稽首曰百里來者二百里萬里外來者咸曰明王大潤四國欣澤是以去舊土之所生慕潤澤以自濟也王曰善哉吾著矣國之不安猶身有病吾救之以藥臣飼之以糜粥王曰黎民所求恣之無敢聞矣王後壽終魂靈上生天上作天眇王天上壽盡下生世間位爲飛行皇帝安所出入七寶飛行導從前後今復上天爲天王太子

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6

所以然者自身持戒覆濟衆生之所致也奉佛教戒正身心行無不獲其福者矣佛告辟羅凡人作行譬若影之隨身響之應聲無不報答矣辟羅歡喜作禮而去

天王太子辟羅經

泰和信官蕭士瑋捐俸刻

天王太子辟羅經全卷

東塔寺釋道源 同對

崇禎辛巳夏虞山華嚴閣識

經一卷  
共字七百六十五  
計寫銀三分一厘  
共板一塊  
江寧黃銘書  
長洲李如科  
容潘守誠  
計工價銀  
志  
刻

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

二  
一  
半  
六